

10<sup>210.</sup>  
**A C T A**  
**A S A N C T I S S I M O P A T R E**  
**E T D O M I N O N O S T R O**  
**P I O**  
**D I V I N A P R O V I D E N T I A**  
**P A P A S E X T O**  
**C A U S A I T I N E R I S S U I V I N D O B O N E N S I S**  
**A N N O M D C C L X X I I .**



**R O M Æ M D C C L X X I I .**

---

**Ex Typographia Rev. Camera Apostolicæ .**

THE  
BAPTIST  
CHURCH  
OF THE  
UNITED STATES  
OF AMERICA



CHURCH OF THE UNITED STATES  
OF AMERICA

## A L L O C U T I O

## HABITA IN CONSISTORIO SECRETO

*Die XXV. Februarii MDCLXXXII.*

VENERABILES FRATRES.



OSTULAT a Nobis hoc tempore Apostolici Ministerij ratio , ut Vindobonam profisciscamur ; quod iter cum propediem in Domino suscepturi simus , a Vobisque VV. FF. aliquod per tempus abfuturi , voluntatem hanc Nostram Vobiscum & cum amplissimo vestro Collegio communicamus , ut singularis Noster in ipsum amor , mutuaque animorum conjunctio a Nobis efflagitat. Quo officio dum erga Vos studiose fungimur , illud etiam , ne ignoretis , adjungimus , quam ob causam neminem ex Vobis in hujus itineris Nostris , laborisque societatem assumamus : primum quidem parvo Nos uluros apparatu comitatuque in Ecclesiasticæ Personæ modum , jam declaravimus : deinde id omne quodcumque subeundum erit incommodi , in Nosmet ipsos tantummodo suscipere pro imposita Nobis sollicitudine statuimus : demum perdifficilis ac perquam ingrata Nobis esset paucorum electio , cæterorum , vero quædam , ut videri posset , rejectio , cum pari simus in singulos ex Vobis studio exultatione atque amore propensi . Certiores porro Vos facimus VV. FF. datas a Nobis esse peculiare in forma Brevis Litteras , in iisque decretum ac declaratum , Curiam , & Causarum Audientiam una cum omnibus Nostris & Sanctæ hujus Sedis Administris post Nostrum ex Urbe discessum in eo statu actuque , quo nunc sunt , remansuras ; iisque per Nostrum Chirographum concessas esse facultates Nobis reservatas , cum certi plane simus pro perspecta cujusque fide neminem iis esse abuturum . Cumque moriendi necessitatem omnibus impositam , diemque mortis incertam esse , ac quotidiana humanæ vitæ imminere pericula consideremus , nequaquam item prætermittendum duximus , ut Pontificia Comitia , si quid absentibus Nobis humanitus acciderit , Romæ habenda

A. 2 fan-

faciemus , Quod reliquum est , a Vobis vehementer petimus ac flagitamus , ut qua semper fuistis in Nos voluntate , eandem nunc precipue exhibeatis , Nosque absentes multo enixius Omnipotenti Deo , ac Domino Nostro Jesu Christo , ejusque Gloriosissimæ Virgini Matri , ac Beato Apostolo Petro commendare non intermittatis , illisque iter Nostrum prosequamini votis , ut suscepta hujusmodi consilia rata esse Deo juvante possint , utque incommoda hæc laboresque Nostros optati sumus exitus per illius miserationem consequatur .

## H O M I L I A

*Habita inter Missarum Solemnia*

### IN METROPOLITANA ECCLESIA VINDOBONENSI

*Die Dominica Resurrectionis Domini Nostri JESU CHRISTI  
XXXI. Martii MDCCLXXXII.*

**G**LORIOSA DOMINI NOSTRI JESU CHRISTI RESURRECTIO, fidei nostræ præstitit documentum , ut corporum Resurrectionem in se credant membra , quæ præcessit in Capite ; ac corruptibile corpus , mutabile per ætates , per defectiones , abortis per mortem cupiditatibus , & ærumnis , induat immortalitatem . „ Quam enim causam moriendi Christus habuisset , „ nisi habuisset & causam resurgendi ? & si Nobis non resurrexit , utique non resurrexit , qui sibi cur resurgeret , non habebat \* . „ De Matre traxit , quod mortem subiit , Patre detulit , quod mortuum suscitavit . Abdita erat in carne præsentia Majestatis , & in carnis infirmitate virtus latebat Divinitatis . Ineffabile hoc donum fuit , ac idcirco exultet caro nostra , quæ vere terra est , sed glorificata per Christum quandam Divinitatis societatem emeruit : ac morte a Nobis depulsa Infernus tyrannicam dominationem amisit , & humanum genus jam peccati lege prædamnatum dono gratiæ regenerari docetur.

Cre.

\* S. Ambros. de Fide Resurrection. num. 90. & 102. Tom. 4. Oper. edit. Venet. 1751. pag. 227. & 231.

Credatur plane Resurrectionis nostræ Dogma ex Oraculis Prophetarum, ex Evangelio, ex Christi Domini exemplis, qui Lazarum clamavit ex monumento, qui adolescentem matri viduæ restituit, Archisynagogi filiam ad vitam revocavit, ut futuræ resurrectionis veritatem roboraret. Erubescant igitur & confundantur, qui audacter etiam hodie veritatem Dominicæ, & nostræ Resurrectionis (ut plures fortasse vestrum non latet) in dubium revocare, & laceßere non verentur. Nam dum student Divina consilia terreno sensu detorquere, misere æsapiunt, & juxta sermonem propheticum abominabiles facti sunt in studiis suis. Desinant illi propterea, se in Ecclesia nobiscum esse gloriari, quoniam in Congregatione Sanctorum, post Resurrectionem esse non poterunt.

Audiant Nos modo Filii sæculi, audiant paleæ in mystica arca Ecclesiæ cum granis commixtæ; quod si Nos audient, paleæ amplius non erunt. Elegit enim Deus per os Nostrum audire gentes Verbum Evangelii, & credere. Jesus Christus Dei Filius universam Mundi faciem diabolicis impietatibus inquinatam Divino immaculati Corporis sui cruore deterisit. Vos igitur agnita fidei nostræ veritate, rejectisque Magistrorum impietatis deliriis, carnis Resurrectionem simplicitate credite, parvulorum, qui divinæ voluntati non parant argumenta, sed fidem; jam nunc animum illuc intendite, ad capienda & tenenda dona gloriæ Jesu Christi, ut Fides vitam vestram muniat, atque a Fide vita non discrepet. Propterea, Dilectissimi, glorienur munere Dominicæ Passionis, quæ Nos in salutem, & in jus paternæ pietatis vindicavit. Plurima quidem a Nobis explicanda essent Mysteria Dominicæ Resurrectionis, quemadmodum Christus Deus, qui a Patre non recessit, in utero carnem acceperit, mortuusque sit, & de sepulchro surrexerit: Quid sibi velit adventus Mulierum ad monumentum: Quid terræmotus magnus: Quid Angeli descensus: Quid revolutio lapidis: aliaque plura, quæ tum vetera, tum nova Mysteria complectuntur; at nimis sermo procederet, iisque exponendis pro temporis angustia prohibemur. Satis quidem est, Dilectissimi, Vos monuisse, quod hodie Fides Ecclesiæ confirmata est in Christo, & si in Adam omnes moriuntur, ita & in illo

illo omnes vivificabuntur . Si olim in Ægypto per Agni victimam Paschale Sacramentum mystice peragebatur , nunc per Evangelium , Divinæ Resurrectionis dies celebratur . Illic Ovis de Ovili , hic ipse Pastor immolatur . Hinc tenebrosa Judæorum turba , quæ crucis virtutem enervare , ac opus salutis imperfectum reddere satagebat , Redemptorem instigabat , ut de cruce descenderet . Sed ipse tempus patiendi complere voluit , quo passio consumaretur , ut Nobis documenta relinqueret , non esse tempus pœnitentiæ intercipiendum , nec denuo ad sæculi delicias revertendum . Hinc in hodierna S. Evangelii lectione , non solum annunciat , quod Christus resurrexit , sed addit , „ Non est hic , ecce locus ubi posuerunt eum „ ; ut nos instrueretur , quod vere non resurgit , qui adhuc permanet , ubi mortuus fuerat , neque qui in id amat recidere , unde surrexit .

Oportet in cruce nostra perseverare , donec requiescamus a laboribus nostris , neque retro , & in terram Ægypti respicere fas est , ne pedes per compunctionem lotos iterum inquinemus . Et sicut Redemptor noster prodesse , ac placere Nobis moriendo voluit , ita nostrum est ei non displicere vivendo . Ne terreant vos quæso actæ jam vitæ inquinamenta . Etenim , vel unius meritum confessionis cuncta Latronis rogantis scelera dispunxit , in quo uberior fuit gratia , quam precatio . Nemo propterea esse debet , qui de misericordia , & gratia desperet , modo repudiatis erroribus fides Latronis succedat . Bonus Pastor venit ad colles & montes , ut Ovem errantem inveniret . Eam vero cum invenit , iisdem subvexit humeris , quibus & crucis lignum sustulit , eoque in ordine collocavit , ubi aliæ erant , quæ nunquam ab ovili desciverant . Nonne ipse Magister est , qui pacem Discipulo proditori non negavit ? Se enim ostendit , ut Deum ad remittendum , ut Sponsum ad amandum , ut Agnum ad expiandum . Sanguinem dedit in redemptionem . & simul aquam effudit de latere suo in ablutionem . Ita Sanguis redemit , ut peccatum non regnet in corpore nostro , & sic aqua abluit a peccatis , quæ antea commisimus . Sacrilegum plane facinus esset , si pœnitentia vestra ex quadam simulatione , & sola temporis procederet consuetudine , quia irrisor esset , & non pœnitens , qui ea adhuc agere pergeret , quæ flere non desi-

definit . Aliter dies hæc reconciliationis , & pacis in ruinam , & perniciem vestram verteretur ; vosque procul dubio socii Judæ efficeremini , in quem Sanatas intravit post bucellam . Eos tamen , qui per fragilitatem sæpe in multis offendunt , frequenti oportet contritione , & ablutione reparari . Quemadmodum Elifæus præcepit Nahamano leproso , ut septies in Jordane mergeretur , atque ita mundatus a lepra convalesceret .

Tota ergo mentis acie ad illustre Resurrectionis trophæum intendite , ac per veram compunctionem omne antiquæ cupiditatis vestigium abstergite , ne quod donavit Dei gratia , Diaboli furetur invidia . Ascendite Filii per humilitatem ad sublimia ; Nam qui aliter pergit , ruit potius , quam ascendit . Nunc denique Pascha celebrabitis , si sensus vestri Dominicum Panem redolentes , nulla Dæmonis aspersione coalescant , & nullæ malarum cogitationum tenebræ in cordibus vestris tanti Sacramenti lumen obnubilent . Nemo enim potest cum Diabolo scelerum habere consortium , simulque Mysterium sanctitatis celebrare cum Christo . Curramus itaque per viam mandatorum , qua ab eo trahimur , & oculi nostri sint semper ad Dominum , ut ipse de laqueo evellat pedes nostros . Gaudemus vox excitasse ad digne suscipiendas observationes sanctas , a quibus totum pendet opus salutis animarum . Sed monere simul non desinimus , ut hodiernam lætitiâ cum mœrore conjungatis , ut mœror sit pro peccatis , lætitiâ pro parata æterna jucunditate . Jam vero animâ Nostrâ conglutinata est animabus vestris ; & pares animos fecit parilitas charitatis , ut sic vobiscum in cælesti gloria constituamur . Quod Deus concedat per Jesum Christum Dominum Nostrum .

## A L L O C U T I O

HABITA IN PUBLICO CONSISTORIO

VINDOBONÆ IN AULA IMPERIALI

*Die XIX. Aprilis MDCCCLXXXII.*

**A**NTEQUAM Consistoriali huic actioni finem imponamus , quæ latere neminem oportet , ex hoc loco præterire silentio nolumus . Gratum quippe Nobis fuit , Imperatoriam  
Maje-

Majestatem, quam semper magni fecimus, coram intueri, ipsumque Cæsarem peramanter complecti. Pro muneris Nostri ratione sæpe Eum alloquuti sumus, & plurimum in Eo urbanitatis, qua Nos Augusto Domicilio suo honorifice excepit, & liberali quotidie officio habuit, singularem quoque in Deum devotionem, præstantiam ingenii, summumque in rebus agendis studium admirari debuimus. Neque minori solatio Paternum animum Nostrum erexit pietas & religio, quam in splendida hac Urbe, & populis in itinere Nobis occurrentibus fartam incorruptamque manere cognovimus. Quare non modo eam laudare, sed assiduis etiam orationibus precibusque Nostris fovere nunquam prætermitemus. Imo Deum Optimum Maximum vehementer obsecramus, ut qui ad se tendentes non deserit, eos in sancto proposito confirmet, ac uberi cælestium Benedictionum rore perfundat.

DEPUTATORUM  
A SENATU AUGUSTANO

Ad Sanctissimum Dominum Nostrum PP.

O R A T I O

*Habita die secunda Maij MDCCLXXXII.*

BEATISSIME PATER

AC PRINCEPS POTENTISSIME

**L**USTRA sex, & septem effluxere secula, ex quo Augustæ contigit adorare sua intra mœnia Summum Pontificem Leonem IX.; hodie PIUM SEXTUM Nobis venerari licuisse fera invidet postérité, utrumque Siquis Romanæ Sedis præstantissimum, utrumque Sanctum, utrumque amicum Cæsaris, amorem Principum, admirationem Orbis, Supremo Christi in Terris Vicario, & Principi potentissimo congruos exhibendo honores, & profundissimam manifestando latitiam longissime impares, in Serenissimi Electoris, & Archipræsulis Tre-virensis, & Episcopi Augustani pietatem, munificentiam, & facultates principes se devotissime reponentes Duumviri, Consules, & Senatus, Domini, ac Superiores Nostrî, injungere Nobis



Nobis , ut ad Pedes Sanctitatis & Celsitudinis Vestre provoluti , gratias pro gloriosissimo adventu in Augustam persolvamus humillimas , subjectionem prosteamur fidelissimam , & venerationem submississimam , simulque dona pro more Statûs Summis destinata Regibus offeramus , ac pro inconcussa in longevitatem salute , pro omnimoda felicitate principali , pro gloria supereminenti , & tranquillitate , & incremento utriusque Regni votis concludamus obsequiosissimis , devotissimis , humillimis , Benedictionem Apostolicam , summam gratiam & clementiam in universos cum Senatu Cives submississime exorantes .

## R E S P O N S I O AD AUGUSTANOS DEPUTATOS .

**P**REGREGIAM obsequii Vestri significationem libenter intelleximus , & grato animo accipimus . Nostri huc accessus ratio ex repetitis officiis eximii Principis Electoris Trevirensis Episcopi vestri processit , qui ob maximas virtutes suas , præclaraque in Romanam Cathedram , & in Nos merita est sane Nobis , uti debet esse , carissimus : ejusque Nos idcirco dignitatis ac amplitudinis plurimam semper rationem habebimus .

Jucundum quoque fuit inspicere florentissimam hanc Urbem pulcherrimorum Ædificiorum frequentia , commerciique opportunitate conspicuam . Jam in ipsa gratiarum actione , quas Vobis referimus pro hoc luculento officio vestro , proque donis à Statu decretis Deum Optimum Maximum precamur , ut qui sunt Cives & Domestici Dei , in ejus cultu cum fervore concrescant ; Qui vero sunt hospites & advenæ , spiritu suæ claritatis illustrentur , & in viam salutis adducantur , \* ut Nos æque omnes completi posse gaudeamus .

B

ALLO-

\* Quas hospitem , & advenarum voces B. Paulus Apost. in Epist. ad Ephes. Cap. 2. applicuit Judæis , & Gentilibus ante receptum Evangelium , extendunt SS. Patres ad omnes , qui caelestem civitatem non sunt assequuturi , ut S. Jo. Chrysostom. Homil. 6. Litter. B. in eandem Epist. Theophylact. ibid. Cap. 2. Num. 19.

# A L L O C U T I O

## HABITA IN SACRARIO ECCLESIAE ARCHIEPISCOPALIS FERRARIENSIS

*Die XXII. Maij MDCCLXXXII.*

**I**N Consistorio Secreto, quod habuimus in Palatio Quirinali die XII. Julii MDCCLXXXIX. duos creavimus S. R. E. Presbyteros Cardinales, quorum unum tunc enuntiavimus Cardinalem Franciscum Herzan: Alterum vero in pectore reservavimus arbitrio Nostro quandocumque declarandum, isque fuit Alexander de Matthæis Archiepiscopus Ferrariensis. Tot sunt spectata ipsius merita, quibus per quinquennium & ultra Ferrariæ Diœcesim mirifica probitate, prudentia, caritateque gubernat, ut diutius ab incerto inclinantis vitæ Nostræ progressu pendere non debeat ipsi decreta ad Cardinalatum provectio. Quare transitus Noster per hanc Civitatem opportunam præbet occasionem, ut, ad gloriam Omnipotentis Dei, Sanctæque Romanæ Ecclesiæ utilitatem, ac decus, palam evulgemus, & publicemus ejus adlectionem in amplissimum Fraternitatum Vestrarum Collegium.

### Quid Vobis videtur?

Auctoritate Omnipotentis Dei, Sanctorum Apostolorum Petri, & Pauli, ac Nostra declaramus S. R. E. Presbyterum Cardinalem præfatum Alexandrum de Matthæis cum derogationibus & clausulis necessariis & opportunis. In Nomine Patris \*, & Filii \*, & Spiritus \* Sancti. Amen.

## H O M I L I A

*Habita Die XXVII. Maij MDCCLXXXII.*IN CONSECRATIONE ECCLESIAE CATHEDRALIS  
C O R N E L I E N S I S .

**S**I Cathedralis Ecclesia, quum proprius consecratur Episcopus, tota festiva, & compta procedit, ac vario sese decorans ornatu, lætitiā producit in conspectum omnium Filiarum suorum, ut eximius Doctor Chrysologus vester commemorat: \* jam hodie ipsa, Dilectissimi, longe majori exultat gaudio; quoniam non sponsi, neque filii, germinisque sui consecratio peragitur, sed proprius ejus Natalis dies celebratur. Quare multo potiori ratione nunc plenum amoris sinum aperit, maternos extendit amplexus, ac divinis in Canticis psallit, ut omnes ad congaudendum sibi gremio caritatis includat.

Atque hic opportunum videtur, ut in memoriam vobis revocemus, qui vetusti hujus Templi status fuerit, plane angusti, & squalidi, ut tanto magis percipiat, quam splendendam modo, ac decoram in faciem abjecta jam vetustate conversum sit. Sæculo duodecimo Henricus Episcopus hujus nominis secundus Ecclesiam Cathedralem Corneliensem a proximo S. Cassiani Oppido ad novam transtulit Civitatem. Episcopus vero Sinibaldus die XXIV. Octobris Anni MCCLXXI. eam solemniter consecravit in honorem ejusdem S. Martyris, de cujus origine, & Episcopatu difficiles repeti quæstiones audivimus in Civitate Brixiniensi, quum ibi a Germania reduces in Episcopio consisteremus. Ab eo sæculo Templum sæpe reparatum, auctumque fuerat, & præsertim a tribus Episcopis civibus nostris Jacobo nimirum Passarella, qui sacrarium adjecit, & turrim campanariam absolvit, atque a Hieronymo Cardinali Dandino, qui magnum fornicem, quo tota Ecclesia tegebatur, superimponendum curavit, addiditque ornamenta Choro, quæ postea Anastasius Ubertus ejus Fratris Filius, &

B 2

in

\* Serm. 130. edit. Auguß. Vindelic. 1758.

in Episcopatu ex resignatione successor , perfecit . Nihilominus pro antiquitate , ac injuria temporis ad deformitatem fere pervenerat . Qua de re alter Cæsénas , qui vester nunc adest Episcopus , animo roboratus vetustum Templum solo æquandum , ac novum in ampliorem elegantiorēque formam extruendum a fundamentis constituit . Nobile , ac sumptuosum opus auspiciatissime incæpit , idemque numeris omnibus absolvit . Alii Prædecessores sui eidem operi manus admove-  
re fortasse cogitarunt . Sed illud vidimus contigisse , quod accidit Davidi , qui ductus sola quadam religiosa cogitatione , cæpit moveri , ut Altissimo Domum ædificaret in terris , sed gloria operis reservata fuit Regio Filio Salomoni . Hinc jure quodam proprio consecrari hæc a Nobis debuit Ecclesia , tamquam opus illius , quicum non modo Patria , sed sanguinis necessitudine conjuncti sumus .

Advertite ergo animum ad novum ejus fulgentem statum , qui sanctitatem spirat , vosque excitat , ut a terrenis rebus abstracti ad cælestia rapiamini . Hic , ait Chrysostomus , Prophetæ clamant , hic Apostoli Evangelium prædicant , hic Christus in medio stat , hic Pater suscipit , quæ fiunt , hic Spiritus Sanctus lætitiā suā impertit . Templum enim de lignis , & lapidibus est ædificatum , sed ut Tempia Dei viventis ibi congregentur ; quoniam non solum in manufactis habitat Deus , sed magis in anima ad sui imaginem manu ipsius artificis condita . Si igitur Templum Dei esse meruistis , frequenter ad lapideam hanc Ecclesiam convenite , ut animas vestras insimul consecretis ; exaudiet enim Deus orantes in loco isto . Non itaque perraro ad eam accedite , nec solum quando prurientes voces , ac bene sonantia perstrepunt instrumenta , vel quando major Populi est frequentia , ut ab aliis videamini , aut venustas formas conspiciatis . Audite Chrysologum clamantem : quid est , quod Ecclesiam mane nolumus intrare : quid est , quod matutina prece totius diei custodiam nolumus postulare : quid est , quod homini adstare toto tempore libet , & Deo assistere , nec puncto libet ? \* Absint a vobis distractiones , fastus immodestæ , conserti sermones , ne Tempia vestra profane-

netis. Fœminæ vero, quæ sæpe in Ecclesiis immorantur; ut  
 deducant, primæ currant ad lacrymas; quæ priores cucurre-  
 runt ad lapsum; sequantur exemplum Matris Divi Gregorii  
 Nazianzeni, \* in qua tantus pietatis, & devotionis fervor  
 est inventus, ut in sacris conventibus nunquam illius vox au-  
 dita sit, necessaria tantum & mystica excepta... Nun-  
 quam venerandæ Mensæ terga obverterit, nec in divinum  
 pavementum expuerit, Veniet ad vos Redemptor noster  
 mille Angelorum Cohortibus circumdatus, ut vos pascat, &  
 carnibus suis nutriet: occurrere illi in Templo, ac in ipso sta-  
 tim ingressu supplices orate, ut suo semper cultui reservemini,  
 & misericordiæ suæ aquis vos abluat, nihilque insideat, quod  
 Divinam dedeceat Majestatem. Cavete, ne murmur quidem  
 audiat lamentabilis vocis, quæ per Prophetam Jeremiam in-  
 sonuit, Quid est, quod Dilectus meus in Domino mea fecit sce-  
 ra multa, Et tamen oculi Domini semper aperti sunt, &  
 ad humilium preces aures erectæ: hic pauper intrabit, & Do-  
 minus sublevabit inopiam: Accedet afflicto, & consolabitur:  
 Hic elationis spiritus debellabitur: Hic iracundiæ calor mode-  
 rabitur: Hic æstus incontinentiæ temperabitur: Et quid oran-  
 tibus non dabit Dominus, eloquitur vester Chrysologus, qui  
 seipsum non petentibus dedit, aut in respondendo quam faciet  
 moram, qui in dictandis precibus vota supplicum sic præve-  
 nit? \*\* Sed si surdæ factæ sunt aures ejus, vos eas occlusistis,  
 quia non disciplina humilitatis, & timoris, sed inflato cor-  
 de postulastis. Atque ut jam hic cetera prætereamus, illud  
 tamen repetere, vosque in Domino hortari non desinimus, ut  
 speciosam hanc Ecclesiam diligatis ea charitate, qua eam di-  
 lexit Chrysologus vester, qui professus est, Omnibus quidem  
 Ecclesiis venerationem & fidelissimam me debere servitu-  
 tem profiteor, sed Cornelienſi Ecclesiæ inservire peculia-  
 rius, ipsius amore compellor; Cornelius namque beatissi-  
 mæ memoriæ Pater mihi fuit, ipse me per Evangelium ge-  
 nuit, ipse pius piissime enutrivit, ipse sanctus sancta insti-  
 tuit servitute; ipse sacris obtulit, & consecravimus altaribus,  
 & ideo

\* Orat. 19. in funer. Patris num. 10, Tom. I.

\*\* Sermon. 67.

„ & ideo mihi clarum & colendum mirabile Cornelii nomen :  
 „ amor ergo me compellit Corneliensis Ecclesiæ desideriiis de-  
 „ sideranter occurrere „ . \* Nonne & vos paria recepistis  
 beneficia ? Inspecite sacrum Lavacrum , quo regenerati fui-  
 stis ad gratiam : Tribunalia Pœnitentiæ , quibus vos Deus su-  
 scitavit per veniam : Altaria , in quibus Hostia salutaris fuit  
 pro vobis oblata : Cathedram veritatis , è qua cœlestis doctri-  
 næ pabulo fuistis enutriti ; Sepulchra majorum , quibus mortis  
 pavor reddidit futuræ vitæ securitatem : Civium vestrorum  
 Chrysologi , Maurelii , Projecti , & Donati Exuvias , qui  
 preces , & vota vestra suis intercessionibus divinæ obtulerunt  
 Majestati . Ipsis acceptum referre vos oportet , quod inter no-  
 vissimos concussæ terræ fragores , qui finitima loca , & Civi-  
 tates devastarunt , vos sola Divina voce moniti , incolumes  
 cum domibus vestris præservati fuistis . Quis ergo ex vobis  
 amantissimæ Matri , propitiis Civibus cultum non exhibebit  
 humili corde , demissis oculis , gratisque gemitibus , ne supra  
 vos renovetur exemplum severæ , promptæque vindictæ , quam  
 Christus Dominus exercuit in Judaico Templo contra ementes,  
 & vendentes in illo ? Quod Deus avertat .

## H O M I L I A

### HABITA DOMINICA II. POST PENTECOSTEN

*Die II. Junii MDCCLXXXII.*

### IN CONSECRATIONE ECCLESIAE

FF. SERVORUM B. MARIE VIRGINIS CÆSARÆ .

**J**UCUNDO animo nacti sumus occasionem , quæ Nobis à Ger-  
 mania redeuntibus oblata est , Ecclesiæ hujus consecrandæ .  
 Sed ea ad memoriam revocat , quod olim à Sancto Pontifice  
 Leone Nono , Patria Dagsburgensi actum , gestumque legi-  
 mus . Is enim ab Andrea Pannoniæ Rege obsecratus , ut Ger-  
 maniam peteret , quum per diversas illius regiones iter age-  
 ret , Ecclesias consecravit . Admirabile tamen , plenumque  
 prodigio fuit , quod Comitum Schwarzeburgiorum gratia ac-  
 ci-

eidisse narrat historia . Nam ipsi obviam iverunt Pontifici , cum Norimbergam contenderet , eumque obtestati sunt , ut paullulum declinaret à via ad Sacellum ab iis in honorem Sanctissimæ Crucis erectum , sacro ritu consecrandum ; Pontifex nihil digressus est ; & protensa manu , signoque tantum Crucis expresso , absens Ecclesiam consecravimus . Verum pii Fundatores , minimè cognito miraculo , ægrè , dolentèrque ferebant , Leonem noluisse designatum locum adire , atque eorum precibus annuere . Sed , quum Pontificis monitu reversi essent , non ambigua peractæ Consecrationis vestigia , notasque invenerunt .

Nos quoque à Germania reduces , Ecclesiam Cathedralē Corneliensem a Dilecto Filio Nostro Joanne Carolo Cardinale Bandi illius Episcopo , & Avunculo nostro amantissimo , ampliori & elegantiori forma ædificatam , consecravimus . Nunc etiam Templi hujus , quod Genitorum , Majorumque nostrorum Cineres servat , ac nuper meliori structura restitutum est , parem consecrationem debita solemnitate absolvimus . Quoniam vero pro infirmitate nostra nec possumus , nec præsumimus imitari prodigia Leonis , qui absens , ut diximus , ac solo Crucis nutu sacram Ædem Schwarzeburgensem consecravimus , propterea omnes adhibuimus ritus , & cæremonias , quæ pro religione , & dignitate rei , præscriptæ sunt . Quare Lustrationes , Benedictiones , Inscriptiones , Unctiones , Orationes , Cruces , aliaque plurima sacre hujus actionis sollemnia , quæ numeris omnibus perfecimus , exigere quodammodo videntur , disertam latentium mysteriorum explicationem ; ut à quo tempore incæperit apud Christianos sacrorum Templorum pacificus usus , qualis fuerit eorum structura , quales exteriores , & internæ partes , qualia ornamenta , de quibus verba facere in promptu caderet ; sed cum diutius super his foret immorandum , & fatigatio peractæ Consecrationis Nos in longum progredi non sinis , & producta à Vobis adfidentia nimia Vos gravaret fatietate ; singula hæc cogimur præterire , & statim ad ea converti , quæ magis unicuique vestrum fructuosa existent . Hinc memores vos esse volumus , quod terribi-

\* Matthæi Raderi Bavar. Sancta Volum. 1. pag. 221. edit. Monac. 1704.

ribilis, simulque amabilis est locus iste: terribilis quidem Demonibus, quoniam hic consilia; viresque eorum confringuntur: amabilis vero hominibus, qui oculo misericordiae à Deo conspiciuntur in Templo, ut præmia bonorum operum consequantur. Et quamquam Deus ubique sit, nulloque claudatur loco, miratus tamen fuit Jacob, quod verè Dominus est in loco isto, ubi Angeli, & homines simul congregantur, ac proinde signanter dicimus: Pater noster qui es in Cælis; veluti proprio, ac speciali modo illic præsentem se exhibet, non quidem ipse diversus, sed diversa distinguens: est ergo in templo, ut à vobis colatur, & preces suscipiat, ac consecret animas vestras. Hinc oportet, quod ei serviatis in veritate, & humilitate cordis exprobantes annos præteritos in amaritudine animæ vestræ, si cupitis orationes vestras ascendere in conspectu Dei, sicut ascenderunt illæ Centurionis Italicæ Cohortis. Non contendimus, ut Apostolorum, & veterum Christianorum fervorem exæquetis, qui conspirantibus animis effusa, & prolixa oratione, impensè divinum implorabant auxilium, & quovis in loco, in solitudine, in cryptis, in carceribus sacras synaxes peragebant, donec Gentilium, & Hæreticorum templa, vel diruta, vel sacra expiatione in Dei cultum commutata, novaque ædificata fuerunt Christianis adjuvantibus Imperatoribus. Tot tantaque à vobis non exigimus, sed contendimus, ut si Domum Dei decet sanctitudo, non præsumatis oscitanter, distractè, & tædio affecti sacris mysteriis interesse, præsertim si aliqua prolixitate sacræ actiones producantur, sed mentis vestræ aciem Ecclesiasticis ritibus consocietis, ut fortiter armati diabolicas retundatis tentationes; & aqua ablutis salutari, quæ ex pretiosissimo ejus latere emanavit, spiritualiter impleatur in vobis, quod in parietibus visibiliter mox præcessit. Excitet exemplum magni Imperatoris Constantini, quo coram sermonem habens Eusebius de Sepulchro Servatoris, eum semel ac bis rogavit, ut sedere vellet in Regali Solio, quod juxta positum erat, sed ipse reverenter obstrictus, semper stare voluit, licet prolixus fuisset sermo, respondens nefas esse, ubi de Deo instituta est oratio, remissè ac molliter auscultare. \* Et tamen

ROM

\* Euseb. in Vit. Constantini Lib. 4. Cap. 33. Oper. Tom. 1.



non in Ecclesia, sed in Imperiali aula sermo habebatur. Veremini ergo vos ipsos saltem propter Deum, qui vos dignatus est facere templum suum: non dissideat quisquam à semet ipso; quoniam omne regnum in se ipsum divisum desolabitur, & domus supra domum cadet, nec intrabit Christus, ubi fuerint parietes inclinati, & maceris depulsæ: vigilant Angeli ad custodiam, ut muros defenserent, & simul eos, qui murorum ambitu continentur, ut viriliter in tabernaculis militent, & deinde suaviter in atriis requiescant; in atriis illis, in quibus amœna jucunditate fovendi, recipiuntur exeuntes, ut illic sint gloriosi, si hic fuerint victoriosi. Igitur festivis gaudiis hanc diem honorate, quia per hujus Templi Dedicationem vos quoque dedicati estis, & in proprios a Deo assumpti ostendente, quam sollicitus sit vestri, & quanta sit ei cura de vobis, cum Ipsius dignatione non vestra dignitate sitis, quicquid estis. Quærite Domum Dei, quærite Sponsam ejus, quærite templum per pœnitentiæ lacrymas, per puritatem conscientis, per humilitatis reverentiam: Domus Dei mysticus portus est; unde si casuum fluctibus, & undis vitæ corruptibilis agitamini, in sola portus soliditate invenietis tranquillitatem. Amen.

## ALLOCUTIO

### HABITA IN CONSISTORIO SECRETO

*Die XXIII. Septembris MDCCCLXXXII.*

### VENERABILES FRATRES.

**C**UM essemus Vindobonam profecturi; Vobiscum VV. FF. & cum amplissimo Collegio Vestro ea communicavimus, quæ & tempus, & mutua animorum Nostorum conjunctio postulabat: nunc postquam illinc sumus incolumes Dei beneficio reversi, nihil Nobis jucundius esse profiteamur, quam Vos una congregatos alloqui, ac Vobiscum singularis amoris Nostri officiis perfungi. Quibus in peragendis, ne desiderio vestro deesse videamur, exponere breviter hic aggredimur & itineris Nostri seriem, & actorum rationem.

C

Sta-

Statueramus jam tum , ut nostris , parvo apparatu comitatuque uti , nec nisi Ecclesiasticæ Personæ modum ubique retinere ; sed hunc nostram in discessu , progressu , redituque modicum cultum multo splendidiorem pietas populorum ad Nos concurrentium , quicumque pergebamus , effecerat . Atque hic ut prætereamus , quod Vobis ignotum non est , cum perditionem Nostram progredere , quibus votis a pietate expressis nostrum iter prosequeretur populorum multitudo ; illud tantummodo dicimus , sacram hanc veluti pompam mirifice visam esse augeri Bononiæ , cum illuc visendi Nostræ causæ Parma advenisset Dilectissimus in Christo Filius Nostræ Ferdinandus Infans Regius Hispaniarum . Singulari gaudio , Paternique animi sensu complexi sumus tam præstantem meritis , tamque prolixè Nobis omnia suæ pietatis exhibentem officia Principem . Una illic hospitati sumus , ex ejusque congressibus majorem in modum amplificatas in Nobis sensimus eundem amandi , ipsiusque virtutes prædicandi causas .

Ab eo digressi Ferrariam perreximus . Atque illic dum quædam primum nostris visa est rebus assurgere ; adiit enim Nos nobilis ab excubiis Cæsaris Hungarus , ab eoque litteras reddidit , quibus ille a Nobis summopere contendebat , ut apud se Vindobonæ diversari hospitarique vellemus . Tanti Principis , in quem unice respiciebamus , humanissimæ huic voluntati deesse non potuimus , gratissimeque , quod tam luculenter exhibebat , accepimus .

Pado deinde navigantes ad Venetorum fines advenimus , ibique perhonorifice excepti habitique duos in urbe Claudensi invenimus amplissimos viros S. Marci Procuratores ab inclytâ illa Republica ad Nos Legatos , Petrum Contarenum , & Aloysium Maninium , qui inposita sibi ab ipsa munera egregie Nobiscum cûmularunt . Nihil non ab iis præstitum Nobis , curamque , quod ad commoda dignitatemque Nostram conducere , cum Nobis ubique , dum in Reipublicæ ditione essemus , suis præsentibus studiis officiisque semper adfuissent . Progredientes obviam statim habuimus pluribus cum Episcopis Venerabilem Fratrem Fridericum Mariam Venetiarum Patriarcham Joannellium , cujus præsentia valde gavisi sumus , cum ejusdem

vir-

virtutis. meritorumque maximam. semper fecerimus rationem . Cum propius Venetias præteriremus , innumerabiles ex urbe , finitimisque oppidis rumor exciverat , jamque convenerant Regii ex urbe Legati , plurimique e Patriciorum , Civiumque ordine , ac singulares Nobis , observantibus significationes certatim deferabant . Ubique magnifice , splendideque excipiebamur , itinera omnia religiosissimi populi frequentia obsidebantur . Nobis aderant suis in diocæssibus Episcopi , Collegia , Prætores , Magistratus ; omniumque in Nos clarissimis indicis pietas efferebatur . Sic ab Urinensibus ad Goritiensum fines transivimus .

Ingressis Goritiam Legatus a Cæsare venit cum ipsius literis Dilectus Filius Nobilis Vir Comes de Cobenzl Pro-Cancellarius Austriæ & Status , qui Nos per Austriacam ditionem Vindobonam usque cum honore deduceret ; nihil illo diligentius , nihil studiosius ad Cæsaris mandatis , suoque in Nos muneri satisfaciendum . Nequaquam hic repetendum ducimus , quæ undique ad Nos afflueret multitudo . Illud tamen præterire ruissime possumus , Labacum Carniolæ urbem cum advenissemus , accedentem ad Nos vidisse excepisseque Dilectissimam , in Christo Filiam Nostram Mariam Annam Cæsaris germanam Sororem Austriæ Archiducissam , quæ illuc adventu suo præcesserat Vicarii Christi colendi causa , eique pietatem suam præclaro hoc testimonio publice confirmandi .

Illinc progressi , occurrentesque ad Stupakum Cardinali Migazzio Vindobonensi Archiepiscopo , & Regiis Oratoribus , qui obviam Vindobona officii causa prodierant , cum jam ab urbe decem prope leucis abessemus , Ipsum ad Nos advenientem conspeximus Carissimum in Christo Filium Nostrum Josephum Cæsarem una cum Dilectissimo in Christo Filio Nostro Maximiliano ipsius Fratre Austriæ Archiduce , Supremo Theutonici Ordinis Magistro . Jucundissimus hic fuit , omnibusque mutui amoris significationibus cumulatus Noster occursum . Una statim cum Cæsare ejus in curram conscendimus , unaque , quod reliquum erat viæ , ita consecimus , ut omnibus , qui ex urbe formationem effundebantur , conjunctionis Nostræ spectaculum præberemus . Omnia populo conferta erant , maximaque in via

cunctorum ordinum multitudo stipaverat. Sic urbem ingressi sumus, sic ad Imperiale devenimus Palatium, ut illa progressio maximus quidam non jam Noster, sed ipsius Religionis triumphus videretur. In suas Aedes a Cæsare inducti confertas illas vidimus amplissimis quibusque Viris, ac nobilitate muneribusque conspicuis, qui ad honorem cultumque Nostrium convenerant. Statim cum tam splendido Comitatu in amplum ejus Regiæ Sacellum processimus, Deoque solemnes consentientibus omnium animis gratias, ac vota persolvimus. Nihil hoc hospitio magnificentius esse potuit, nihil illa urbe ob adventum hunc Nostrium latius, nihil iis diebus, quibus illic commorati sumus, illustrius. Quotidie plura in urbem ex omni non solum Germania, sed Hungaria etiam, ac aliis ditionibus consuebant hominum millia, ut ab universæ Ecclesiæ Pastore Apostolica Benedictionis munere ditarentur.

Primus Noster egressus die Festo Annunciationis fuit, quo adire FF. Cappuccinorum templum voluimus, illoque in Sacello Sacrum facere, quod est Cæsarem superstructum sepulchris, ac in eam tum ad eum descendimus, ut ad ipsos Austriae Principum Cineres pro eorum animis enixas ad Deum preces effunderemus. Sæpe deinceps per urbem cum prodiremus, interdum Nobiscum aderat Cæsar ipse, suaque in Nos studia palam præferebat, aderat crebro Maximilianus, ac Nobis ex animo omnia observantiæ ac in Sanctam hanc Sedem devotionis indicia publice exhibebat. Egregium certe in illo Regio Juvene virtutis ac religionis specimen coram agnovimus, ad eumque singulariter diligendum, laudandum, extollendum sumus inflammati. Quid de generosa illa nobilitate dicemus, quid de Regis Oratoribus, ceterisque magnorum Principum Administis, qui Nobis a suis Regibus eximia amoris studiorumque omnium officia deferrebant? Præstantes vero Episcoporum, ac Præsulum, qui plurimi tum Vindobonam convenerant, observantiæ in Nos sensus extabant.

Inter hos præcipui in Nobis observandis colendisque semper fuere, qui ceteris Ecclesiastica dignitate præstabant S. R. E. Cardinales, quos tum primum conspeximus? Nam præter Dilectos Filios Nostros Cardinales Migazzium, & Herzan, ade-

rant

rant illic Collegæ Vestri Leopoldus Ernestus de Firmian Episcopus Passaviensis, & Josephus a Batthian Strigoniensis Archiepiscopus. Horum præclara cum extare de Nobis Ecclesiæque merita cognosceremus, eadem testimonio aliquo exornare cupientes Purpurei Galeri Insignia illorum Capiti in Publico Consistorio in Aula Cæsarea habito Nostri de more manibus, adstante Cæsare, imposuimus.

Atque hic VV. Fratres cum plurimo Vos flagrare desiderio arbitremur audiendi aliquid a Nobis, quod de gravissimis Nostri Ecclesiæque rebus actum constitutumque cum Cæsarea Majestatis sit, expectationi huic vestræ, quoad nunc possumus, gratificabimur. Pene quotidie inter Nos una congregabamur, in iisque congressibus, etsi familiariter, amiceque, tamen summo animorum studio res ntrinque tractabantur. Nihil a Nobis non libere aperteque prolatum, neque illa in dicendo habita, nisi Apostolici muneris Nostri ratio, nihil quod ex Ecclesiæ jure institutoque Religionis esset, non a Nobis abduci, non ab illo pacate diligenterque auditum. Magnum ingenium, Josephi Cæsaris, atque illa singularis, qua in Nos affectum conspiciebamus, humanitas & gratia, plurimum rationibus Nostri conferre & consulere videbantur. Neque inanem hanc fuisse fiduciam Nostram profiteamur. Quædam certe, eaque grævia ab ejus æquitate retulimus, ut jam ex pervulgatis ipsius mandatis constet. Quorundam vero si nondum exitum, at spem non mediocrem Nobiscum reportavimus.

Jam exactus mensis Nostræ Vindobonensis commorationis erat, cum inde discedendum Nobis esse statueramus. Ipso discessimus comitante Cæsare, unaque confectis aliquot passuum millibus, post amplexus, & mutuos intimi amoris pietatisque sensus ab Illo sumus valde commoto concitatoque animo divulsi.

Nostrum istud iter in Bavariam ac Monachium erat, quod Nos Dilectissimus in Christo Filius Noster Carolus Theodorus Dux Bavarie, & Palatinus Elector amantissimo invitatu advocarat. Vix ejusdem fines attigimus, cum Nobis adfuerunt missi ab eo delecti Viri, qui Nos ad ipsam deducerent, cumque quatuor prope leucas Monachio abessemus, ipsum Carolum

Theo-

Theodorum obviam Nobis, properantemque in complexum Nostrum conspeximus. Peractis inter Nos jucundissimis officiis ejus, conscendimus currum, unaque ad urbem illam & Electorale palatium inter maximam Populi multitudinem pervenimus. Illic splendidissimus planeque regius apparatus erat; sed etsi omnia videremus ad magnificentiam, ad religionem, nostrique cultum ubique instructissima, nihil tamen Nostros tantopere oculos animumque commovebat, quam ipsa Electoris presentia, ipsa tam conspicua illius pietas, ac tam excellens in Nos studium, ut suo exemplo ceterorum animos magis adhuc in Nos pietate ac religione inflammaret. Quinque apud ipsum dies jucundissime, summoque cum honore transegimus, interea illuc ad Nos adveniente Ven. Fratre Clemente Wenceslao Archiepiscopo, & Electore Trevirensi, cujus cum maxima de Nobis antea extarent merita, eadem nunc præcipue confirmare visus est hoc in Nos officio singulari.

Quod a Nobis ille summo opere flagitabat, ad ipsius Episcopatum, Augustam Vindelicorum, divertimus. Omnia ibidem pro Hospitis dignitate, urbisque splendore, ac in Nos studio luculentissime peracta, Nobisque delata sunt, accedentibus illuc etiam amplissimis spiritimarum Ecclesiarum Episcopis atque Abbatibus, & Electoris in Nos, urbisque officia pro sua pietate cumulantibus. Ac tum recurrente S. Pii V. Festo die in Cathedrali Templo solemniter adfuimus sacro, quod ab Episcopo Electore maxima est celebritate peractum; indeque ad vicinas Episcopales ædes perreximus, in quibus olim die 25. Junii anni MDXXXI. ducentis nimirum & quinquaginta duobus ab hinc annis teterima illa Augustana Lutheri Confessio, cura & studio Philippi Melancthonis digesta, & expolita, coram Carolo V. Imperatore, ejusque Fratre Ferdinando Rege, Joanne Electore Saxonie, & ejus Filio Johanne Friderico, aliisque Electoribus, ac Principibus, & Ordinibus Imperii, Germanica lingua fuit per solemnem recitationem publicata. Ex amplo ipsarum ædium, Podio Apostolicam Nos Benedictionem inmensæ multitudinis in subiectum amplissimum Forum collectæ, adstantibus Episcopis, præsertim Constantiensi, Principibusque, & exterorum Principum. Degatis solemniter caeremonia impertivimus, incredibili

exceptam animorum alacritate nobiscum in Catholica unitate consentientium.

Maximæ Saxonum Principum jam a primis temporibus, nimirum a Joanne Duce; in Confessione Augustana partes erant; maximum ejus sustinendæ studium; quod deinceps publico etiam monumento declaravit Joannes Georgius Dux, cum annum ejus Confessionis sæcularem aureo numismate, sculpta Joannis, suæque effigie, tanquam Auctorum Patronorumque; celebrasset. Nos itidem ob res in melius versas divinæ clementiæ gratias referentes cuso nuper numismate nostro; quod Festo Principis Apostolorum die distribui solet; \* perennem esse volumus peracti apud Augustanos sacri memoriam. Eo, ut diximus, sacro ad aram operatus est, Nobis adstantibus, optimus ex illa ipsa Saxonica nunc religiosissima familia Princeps. Multam idem etiam partem in ceteris caeremoniis Nobiscum habuit; præsertimque Nostram Plenariæ Indulgentiæ concessionem ex illo Aulae Podio evulgavit. Quis jam nunc propterea divinorum consiliorum rationem non maxime miretur; cum talem videat tanta cum Religionis nostræ gloriâ ipsi in locis rerum gestarum commutationem? Eo inde animo discessimus; ut jucundissimum Nobis ac perhonorificum fuisse excursum illum palam testemur.

Iterum in Austriacam Ditionem, Tirolensem scilicet Comitatum, ingressi sumus, iterum a Cæsare literæ; iterum præsto fuit, qui Nos ad Italiæ usque fines prosequeretur, Vir cum nobilitate, tum humanitate præstans Comes Siremburgus. Cum Eniponte essemus, nihil Nobis potius fuit, quam ut alteram Cæsaris germanam Sororem Dilectissimam in Christo Filiam Nostram Elisabetham Austriæ Archiducissam salutareremus, a qua certe plurima clarissimæque Nobis exhibita sunt præstantis animi, ac in Nos observantissimi pro sita religione testimonia. Inde Brixinium, inde Tridentum venimus, magna

\* Martinus V. usum induxit Pontificiorum Numismatum; quæ enim extant superiorum Pontificum, posterius sunt ad eorum memoriam efformata. Paulus II. eum usum multo frequentiorum reddidit. Fundebantur illa primum, serius culi cepta. Clementem VIII. ac præteritur Paulum V. eadem constat quorundam renovasse, certisque temporibus distribuisse; quem morem Successores omnes retinuerunt.

graque cum voluptate illud Templum lustrare volumus , potestrem Concilii Œcumenici celebratione nobilissimum , ubi nimirum difficillimis temporibus ; quibus doctrinæ pravitatem omnia polluebantur , Præsulum tamen constantia fideque asserta confirmataque Catholica Fides omni ex parte fuit , servatumque Christi Deposita ex sanctissimis illorum Decretis incorruptum , ac optimis munita legibus Ecclesiæ disciplina .

In Italiam reduces per Roboretum ad Venetorum fines positam urbem , quæ cum maximis sua in Nos observantia cultuque certabat , Veronam pervenimus pro illius urbis dignitate accepti , ubi iterum obvios habuimus eosdem Dilectos Filios Nobiles Viros Equites , & S. Marci Procuratores , qui per illam Reipublicæ ditionem pergentibus publice Nobis officia exhiberent . Nihil illic omisum , quod ad Nostrum decus , quod ad Populi lætitiæ ample pieque declarandam faceret . Inde Vicetiam , inde Patavium venimus ab iisdem Procuratoribus deducti , convenientibus undique ad Nos urbium Civibus , finitimisque Populis , Episcopis , Prætoribus , quorum omnium cum numerum , tum religiosa in Nos studia maximo cum gaudio spectabamus . Omnia magnifice sumptuoseque peracta , omnia a Nobis , quæ in celebratissima illa urbe eminebant , lustrata , probata , collaudata .

Sed hæc præcludere quodammodo videbantur iis , quæ in Principe Reipublicæ urbe ad Nostrum erant adventum comparata . Jam propinquabamus Venetiis , cum in Insula S. Georgii in Alga occurrentem Nobis vidimus cum inclyto suo Collegio Venetiarum Ducem Paulum Reynerium , a quo perhonorifice excepti , cum eoque ac suis consensu amplo planeque regio navigio , illud æstuarium transmisimus Inter immensum cimarum aquas prope obtegentium numerum , magnoque Populi concursu ad hospitium Nostrum apud FF. Prædicatores ad templum Sanctorum Joannis , & Pauli cum amplissimo illo comitatu descendimus . Postridie cum ipso Duce ad Nos revertente Senatum universum , Magistratusque amplissimos ad osculum complexumque excepimus ; adstantibus utrinque ad augendam rei majestatem cum ipso Patriarcha quatuor & viginti Episcopis , multisque spectatissimis Viris ; deinceps Patriciis ceteris



ac Nobilibus quamplurimis datus ad Nos conveniendos est aditus .

Nihil hic necesse esse arbitramur , ut quæ in illa paucorum dierum conuocatione acta a Nobis , Nostrique causa ab illis sunt , memoremus ; quæ templa , quæ ædificia inspecta , quæ cæremonix peractæ ; illud universim dicimus , quæcumque antea de antiquissimæ illius Reipublicæ , Venetorumque gloria , splendore , amplitudine unquam memoriæ tradita sunt , ea omnia Nostris tum oculis revera obversari , cumulatissimeque ad adventum Nostrum decorandum conferri congerique videbantur . Ipsi tum Reipublicæ gratulantes , tandem discessimus , dimissoque in Pontificiæ ditionis finibus gratissimo Procuratorum comitatu , urbem Nostram Ferrariam pervenimus .

Aliqui Ferrariæ Nobiscum erant Collegæ Vestri S. R. E. Cardinales , inter quos Dilectus Filius Noster Carolus Victorius Amedeus Cardinalis de Lanceis , qui illuc advenerat Nostris visendi causa , unaque Nobis Carissimi in Christo Filii Nostrii Victorii Amedei Sardinæ Regis Illustris officia detulerat . Habere tum coram ipsis Consistorium secretum volumus in Sacratio Cathedralis Ecclesiæ , in quo Archiepiscopum Ferrariensem Alexandrum Matthæjum veris laudibus præstantem Præsulem pronuntiavimus in S. R. E. Cardinalium Collegium adlectum die XII. Julii MDCCLXXIX. , ac tum Nostrum in pectore reservatum . Hoc illi urbi gaudium , hoc amplæ illi Ecclesiæ decus , hoc ipsi Archiepiscopo ut præmium virtutis atque incitamentum esset , libenter effecimus .

Tum Bononiam adivimus , iterumque Nostrum conveniendi suæque Nobis pietatis confirmandæ causa ad Nos Parma venientem complexi amantissime sumus Dilectissimum in Christo , deque Ecclesia meritissimum Filium Nostrum Ferdinandum Regium Hispaniarum Infantem . Deinceps Foro Cornelii cum aliquot moraremur dies apud Cardinalem Episcopum Avunculum Nostrum non jam quiescendi , sed agendi causa , ibidem Consistorium Publicum habuimus coram septem Cardinalibus , in eoque Cardinalem Matthæjum Purpurei Galeri honore decoravimus ; tum novum illud Cathedrale templum a fundamentis splendide nuper erectum maxima ipsius Episcopi cura ,

D

vete-

veterique angusto ac squalido substitutum , adhibitis Ecclesiæ ceremoniis per Nos ipsos consecravimus ; quod etiam Cæsennæ in patria Nostra prælitimus Servorum B.M.V. templo , Parentum , Majorumque Nostrorum Cineres fervanti . Tum illinc profecti paulum Anconam divertimus , novique illius Portus molimina perlustravimus .

Demum idem , quo antea discefferamus , iter relegendes ad Almam hanc Urbem Nostram salvi post quatuor pene menses Deo adjuvante pervenimus , ejusque clementiæ maximas , ac immortales egimus , semperque habebimus gratias , quod præsto Nobis cælesti ope præsidioque fuerit , curasque Nostras sua Ipse virtute & gratia sublevarit .

Quod a Vobis , VV. Fratres , in discessu Nostro petieramus , ut iter consiliumque Nostrum vestris precationibus prosequeremini , quodque a Vobis effectum esse , vestroque exemplo ab universa hac Urbe lætamur , nunc itidem Vos flagitamus , atque in Domino obsecramus , ut pari , quo capistis , studio insistere precibus apud Deum vestris , religiosoque in Nos officio ne intermittatis , quo sua benignitate , quod illius ope inchoatum jam est , tandem ad ipsius gloriam , ad Ecclesiæ utilitatem , ad Cæsareæ Majestatis laudem felicitatemque perficiatur .

SANCTISSIMI DOMINI NOSTRI

P I I

DIVINÆ PROVIDENTIÆ

P A P Æ S E X T I

Itineris Vindobonensis Diarium a die 27. Februarii usque  
ad ejusdem in Urbem reditum die 13. Junii 1782.

A JOSEPHO DINI

Pontificiarum Cæremoniarum Præfecto descriptum,  
qui in eodem itinere SANCTISSIMO semper affuit;  
omissis iis ad repetitionem evitandam quæ nar-  
rantur a SANCTITATE SUA in Allocutione  
habita in Consistorio Secreto  
die 23. Septembris 1782.



IN DOBONAM profecturus SUMMUS PONTIFEX, ac  
universalis Catholicæ Ecclesiæ Caput PIUS  
PAPA SEXTUS, antequam Roma discederet  
ut suæ erga Sanctos Apostolos devotioni satisfac-  
ceret, die 26. Februarii Fer. III. in Vaticanam  
Basilicam descendit, & sacrum privatè cele-  
bravit in Vaticanis cryptis super Aram, ubi sacræ exuvix San-  
ctorum Apostolorum Petri, & Pauli inclusæ asservantur.

Eminentissimus Cardinalis Columna Almæ Urbis Vicarius  
peculiari notificatione ad omnes urbis Ecclesias transmissa mo-  
nuit, ut a prima itineris Summi Pontificis die usque ad pro-  
sperum exoptatum Ejusdem ad Urbem reditum in Missis addere-  
tur Collecta pro Pontifice itinerante; post Missas Conventua-  
les preces pro Itinerantibus recitarentur; ac insuper ut in ejus-  
dem Urbis Ecclesiis juxta impressam notulam delectis unaqua-  
que die Sanctissimum Sacramentum publicæ Venerationi expo-  
ni deberet, ut Fideles in iisdem convenientes preces ad Deum  
funderent pro felici Summi Pontificis itinere.

Die 27. Februarii Fer. IV. hor. 12. Sanctissimus Dominus  
Noster ad præfatam Basilicam iterum descendit, & ad aram

ubi S. Petri Apostoli Cathedra colitur ; accessit , ibique Missæ adfuit ; qua expleta persolutis precibus ad implorandum a Deo auxilium pro felici itinere , ad Sacrarium accessit , ubi Celsissimos Principes Paulum Petrowitzium Magnum Moschorum Ducem , & Mariam Federownam Magnam Ducissam benigne excepit , iisdemque gratos animi sui sensus aperuit , quod summo mane illuc accedere voluerint , cumulatissimas de huiusmodi humanitate gratias referens ; aliquo interim temporis spatio ipsos allocutus se divisit , & ad Basilicæ lateralem Januam Sanctæ Martæ nuncupatam accedens , ibi currum conscendit , ac in eodem admisit R. P. D. Franciscum Antonium Marcucci Patriarcham Constantinopolitanum Almæ Urbis Vicegerentem , & Josephum Mariam Contessini Athenarum Archiepiscopum , Secretum Elemosinarium , qui a Sanctitate Sua ut ipsum in itinere comitarentur delecti fuerant . Reliquis autem comitatus qui Summum Pontificem in itinere erat famulaturus in insequentibus tribus curribus , & duobus cisis , Eundem prosequutus fuit , ac per viam Papalem nuncupatam , progredientes , ad Ecclesiam Sanctæ Mariæ in Vallicella accesserunt , ubi Summus Pontifex Sacrum Templum ingressus , & cum Sanctissimum Sacramentum devote veneratus esset , ante Aram S. Philippo Nerio Sacram suæ erga eundem sanctum Pietati morem gerens , sacras fudit preces ; Quibus expletis iterum currum conscendens , iter fuit prosequutus usque ad Utricolum , ubi primam fecit in nocte stationem , ibique exceptus fuit a Prospero Meloni Episcopo Narniensi , Xaverio Marini Episcopo Reatino , aliisque nobilibus viris , qui illuc advenerant , Summo Pontifici debitum obsequium exhibituri .

Die 28. Februarii Fer. V. audito Sacro in privato Sacello , persolutisque precibus pro felici itinere a Deo implorando Sanctitas Sua hora circiter decimatertia currum conscendit profecturus cum suo Comitatu Narniam versus , ubi ad Cathedralem Ecclesiam divertens ab Episcopo Narniensi , una cum Antonio Lelj Suffraganeo Episcopo Ecclesiæ Sabinensis , & Angelo Jacoponi Episcopo Amerino , ac universo Narniensi Civitatis Clero exceptus , eandem Ecclesiam ingressus , ibidem coram Augustissimo Sanctissimæ Eucharistiæ Sacramento publicæ adorationi

in exposito preces fudit, ac Benedictioni cum eodem Sanctissimo Sacramento a Canonico Archipresbitero impertitæ adstitit; Inde Fulginium antiquam Ubrorum Civitatem hora vigesima-quarta advenit rectaque divertit ad Conventum Ordinis Sancti Augustini, ibi moram in nocte ducturus. Sanctitati Sux obsequium exhibuere Cajetanus Zinanni ejusdem Civitatis Episcopus, una cum Alexandro Maria Odoardi Episcopo Perusino, Carolo Zangheri Episcopo Assisiensi, Francisco Laurentio Maffioli Episcopo Nucerino, Francisco Arrigonio, & Philippo Raffaelli Præsidibus Civitatum Perusinae, & Fabrianensis, Capitulo, & Magistratu Fulginatensi.

Die prima Martii Fer. VI. Sanctissimus Dominus Noster hora 11. cum dimidio in Ecclesiam descendit, ubi Sacro audito in Sacrarium divertit, ut desideriis satisfaceret quamplurium Nobilium Virorum, ac illustrium foeminarum, quæ illuc ab aliis Civitatibus convenerant, Sanctissimos illius Pedes deosculandi causa. Hora tandem 12. iter prosequutus est usque Tolentinum, quo hora 23. feliciter advenit, exceptus ad fores Ecclesiæ S. Nicolai Tolentinatis ab Andrea Minucci Archiepiscopo Firmano, Dominico Spinucci Episcopo Maceratensi, ac Dominico Prosperi Episcopo Septempedano, una cum earundem Civitatum Præsidibus; ascenditque ad Cubicula adnexi Conventus PP. Augustinianorum pro Sanctitate Sua parata.

Die Sabbathi 2. Martii hora circiter 11. cum dimidio Sanctissimus Dominus Noster in Ecclesiam descendit, ubi ad interiorius Sacellum, in quo Sacra S. Nico'ai a Tolentino Brachia summa veneratione adservantur accessit, ibique Missa audita, prædictas sacras Reliquias, quæ super Altare expositæ conspiciantur, veneratus ac deosculatus fuit. Quibus expletis è conventu hora 12. cum dimidio discedens, iter prosequutus est usque Lauretum.

Circa horam 20. ejusdem diei feliciter Lauretum adveniens, ante Lauretanæ Basilicæ fores è curru descendit, ibidem obsequiosè exceptus ab Eminentissimis Cardinalibus Bufalino Episcopo Anconitano, & Calcagnini Episcopo Auximano, & Cingulano, a Ciriaco Vecchioni ejusdem Lauretanæ, & Recinetensis Ecclesiæ Episcopo, Petro Paulo Leonardi Episcopo

Afscu-

Asculano , Bartholomeo Bacher Episcopo Cupræ Montanæ , Philippo Casoni Lauretanæ Civitatis Præside , Aloysio Gazzoli , Antonio Tomati , & Ferdinando Elephantutio Civitatum Anconitanæ , Asculanæ , & Firmænæ Præsidibus , una cum Magistratu , ac Clero ejusdem Ecclesiæ .

Basilicam ingressus , concinentibus Cantoribus Antiphonam *Ecce Sacerdos Magnus* ad Altare Beatissimæ Virginis ab Angelo salutatæ , in media navi ejusdem Basilicæ existens progressus , ibidem Sanctissimam Dei Genitricem peculiari devotione veneratus , ad Aram Principem accessit , ubi Sanctissimum Eucharistiæ Sacramentum adorans Benedictioni a Canonico Archidiacono elargitæ adstitit .

Expletis prædictis religiosis actibus , ad Apostolicum Palatium processit , ibique prædictos Cardinales ad privatum Colloquium admisit , cæterisque inde Episcopos , Præsides , Magistratum , ac Clerum ad Pedis osculum excepit .

Hora 22. cum dimidio Sanctissimus Dominus Noster ad Basilicam iterum descendit , in qua sacra Ædes singulari studio ornata erat , innumeræque Cereæ faces diligenti , ac politiori ordine undique dispositæ conspiciébantur .

Ante Altare B. M. V. illico constitit , & Cantores Lytanas in laudem B. V. M. singulari concentu , modulatisque vocibus concinere , prout moris ibidem est quacumque Sabbathi die recurrent .

His expletis Sanctissimus Pater Sacram ingressus Ædem , ibidem suæ erga B. Virginem devotioni morem gessit .

Ad Sacrarum inde divertens , in quo vota Donaria B. V. Mariæ oblata adservantur , ibidem in sede jam parata compositus , innumeras nobiliores Fœminas , quæ illuc è vicinioribus Civitatibus advenerant , ad pedis osculum admisit , quampluresque alii hujusmodi honore participes effecti fuere usque ad 24. diei horam .

Apostolicum inde Palatium iterum repetens magnum Podium damascenis , ac villosis sericis pannis undique exornatum conscendit , ubi innumerum Populum amplissimam illam Plateam explentem Pontificali Benedictione donavit .

Die Dominica 3. Martii hora 13. Sanctitas Sua , ad Basilicam

ſcam descendit , incruentum Miſſæ Sacrificium ad Altare B. M. V. ab Angelo ſalutæ perfecturus , ut ſingulari Populi multitudini , qui ſacram Baſilicam mirum in modum ſummo mane undique occupaverat , devotioni ſatisfaceret . Expleto de more ſacro , alteri itidem Miſſæ adſtitit .

Inde hora 16. iter proſequuturus Laureto diſceſſit , & ad planitiem , nuncupatam S. Lazzari ad clivum Anconæ accedens , ibidem brevi temporis ſpatio commoratus , Senogalliam verſus divertens hora 23. illuc pervenit , & ad Eccleſiam Ordini Servorum B. M. V. accedens , ibidem ab Eminentiffimo Cardinali Bernardino Honorato Epifcopo Senogalliendi , & a Carolo Livizzani Urbinatensis Provinciæ Præſide obſequioſe exceptus , una cum Dominico Monti Archiepiſcopo Urbinatensi , Ubaldo Baldaſſini Epifcopo Aſino , Rocco Maria Barſanti Epifcopo Piſaurenſi , Peregrino Conſalvi Epifcopo Fanenſi , & Franciſco Cacherano Aſii Præſide , Civitatis Senogalliendi Magiſtratu , aliifque Nobilibus proceribus , qui illuc advenerant . Proximum Conventum petens ad cubacula pro Sanctitate Sua parata aſcendit , ubi in proxima nocte ſubſiſtere decreverat .

Feria II. Die 4. Martii, hora circiter 13. iter Fanum verſus arripuit , ubi Civitatis Præſes una cum Magiſtratu Sanctitatem Suam obſequioſe fuit proſequutus , & Eminentiffimum , Cardinalem Marcum Antonium Marcolini , qui in præſata Civitate , ut ſuæ conſulæret ſaluti , moram ducebat , benignè pariter excepit , longiusque cum eodem collocutus , permutatis Equis ad Piſaurenſem Civitatem recta perrexit , ibidem brevem traxit moram , populoque innumero Benedictionem Apoſtolicam , exoptanti ex amplo Palatii Podio nobiliorem in modum exornato , fuit elargitus . Catholicam inde antiquum , & parvum in Romandiola Suburbium attingit , in Hiſtoria Eccleſiaſtica percelebrem , ob Epifcoporum Conventum , qui illuc ab Ariminenſi Concilio anno 359. habito ſeceſſerant , ut ab Arrianis Epifcopis ſegregati , ſacra Myſteria libere celebrare poſſent . Tandem hora 22. Ariminum ſœliciter pervenit , ubi ab itinere quieſcere decreverat . Ad Eccleſiam S. Marini Canonicorum Regularium Lateranenſium perrexit , ibique obviam habuit Eminentiffimum Cardinalem Aloyſium Valenti Gonzaga Romandiolæ Legationis.

nis Præsidem , una cum Vincentio Ferretti Episcopo Ariminensi Abbate Generali , & Canonicis Regularibus Monasterium incolentibus, Magistratu, & primariis ejusdem Civitatis nobilibus. Ecclesiam perpulchre exornatam Summus Pontifex illico adiit , Monasterium inde ingressus , ad superiora Cubicula perrexit .

Feria III. Die 5. Martii hora 13. Summus Pontifex curram conscendens , cum suo Comitatu ad Cœlibatarum Collegium accessit , ubi ejusdem Alumnis ac pedis osculum exceptis Monasterio lustrato , & cum Excellentissima Domina Olympia Braschi quæ una est ex Cœlibatis , altera Germana sua Sorore per aliquod temporis spatium colloquutus discessit .

Cæsenam versus iter inde arripiens , illuc hora 18. cum dimidio pervenit , & ad Ecclesiam Ordinis Servorum B. M. V. e curru descendit , obviumque habuit Eminentissimum Joannem Carolum Bandi Forocorneliensem Episcopum Avunculum suum , & Franciscum Agosellium Cæsenaensis Ecclesiæ Episcopum , Josephum Vignoli Episcopum Foroliviensem , Josephum Terzi Episcopum Feretranum , Joannem Baptistam Donati Episcopum Cereviensem , Franciscum Mariam Colombani Episcopum Brittinoriensem , Joannem Baptistam Mami Episcopum Sarasinatensem , Clerum Cathedralis Ecclesiæ, Magistratum , omnesque Civitatis Optimates ; Ecclesiam elegantiori forma decoratam ingressus , Sanctissimum Eucharistiæ Sacramentum super Aram Principem expositum veneratus ad Altare S. Carolo Sacrum accessit , ubi Genitorum aliorumque Majorum suorum antiqua Sepulchra conspiciuntur , ibique preces longius produxit , ad proximum inde suum Paternum Palatium processit , in quo per integram sequentem diem moram trahere decreverat , in ejusdem Vestibulo obviam habuit suam Germana Sororem , Fratrem , duasque ex germana Sorore nepotes , quas omnes singularis benevolentix signis excepit , & superiorem Palatii partem conscendit .

Cum autem illuc advenisset Comes Joannes Zambeccari , unus ex Bononiensibus Senatoribus de mandato S. Catholicæ Majestatis, ut suo Regio Nomine Sanctissimo Patri pro felici incæpto itinere fausta auspicaretur , Sanctitas Sua eidem injunxit , ut Regiæ Majestati singulares suos animi sensus patefacere quan-



quantocius non omitteret , & de hujusmodi peculiaribus benevolentiz , & filialis amoris signis , maximas Pontificio suo Namine ageret gratias .

Fer. IV. Die 6. Martii hora 15. ad Cathedralem Ecclesiam accessit , ubi veneratus Sanctissimum Eucharistiæ Sacramentum , ad Sacellum perrexit , in quo antiquissima , & Miraculis , prodigiisque insignis Imago B. V. de Populo nuncupatæ adservatur , ibique incruentum Missæ Sacrificium confecit ; Quo completo , aureum Calicem cum patera exquisitiori arte elaboratum , ac sacram Planetam phrygiæ aureo opere insignem , cum qua Missam celebraverat , eidem Cathedrali Ecclesiæ in perpetuum sui amoris monumentum obtulit . Altera deinde Missa audita , ad Sacrarium Capitulare processit , ubi Clerum ejusdem Ecclesiæ , & inde illustres Civitatis Fœminas ad pedis osculum admisit .

Ad Monasterium S. Claræ postea se contulit , ac in Monasterii Janua consistens Monialibus permisit , ut Ipsius pedem deosculari possent .

Ad publicum inde Civitatis Palatium digressus , Populo Apostolicam Benedictionem impertivit .

Ut autem sacris Virginibus Camaldulensibus , quæ in S. Catharinæ Monasterio vitam ducunt , & præcipue ejusdem Monasterii Abbatissæ Sanctitatis Sux ex germana Sorore Nepti satisfacere illuc perrexit .

Asceterium ingressus , ad Chorum divertit , ubi Monialibus permisit , ut ad pedis osculum accederent . Lustratis inde ejusdem Monasterii aliquibus novis ædificiis , supra Abbatissam singulariter , ac ceteras omnes Moniales Apostolicam Benedictionem effundens , ad Palatium reversus est .

Fer. V. Die 7. Martii hora 15. Sanctissimus Dominus Noster ad Ecclesiam Ordinis Servorum B. M. V. iterum accedens , ibidem Sacrificio Missæ adstitit .

Hora inde 16. , Forolivium contendit , & Faventiam adiit , factaque brevi mora in Palatio Comitis Scipionis Zannelli Sanctitatis Sux Consobrini , Forumcornelii versus iter direxit .

Hora 24. præfatam Civitatem attigit , & ad Ecclesiæ Ca-

E

the-

thedralis fores è curru descendens ab Eminentissimo Jo. Carolo Bandi Forocorneliensium Episcopo , ejusdemque Ecclesiæ Clero , ac Magistratu exceptus , inde ad Episcopale Palatium , in quo noctem transigere decreverat , perrexit .

Fer. VI. Die 8. Martii hora 13. Ecclesiam Cathedralē ab Eminentissimo Episcopo sociatus , iterum repetiit , ibique in sanctiori subterraneo sacello , in quo SS. Cassiani Martyris , Petri Chrysologi , & Projecti Corpora adservantur Missæ adilitit ; tum una cum prælaudato Cardinali Episcopo , qui Summum Pontificem usque ad Ecclesiam B. M. V. de Piratello duobus mille circiter passibus a prædicta Civitate distantem comitatus est , Bononiam versus iter suscepit .

Bononiam illustrem Pontificiæ ditionis Civitatem hora vigesima feliciter ingressus est , & ad Ecclesiam S. Dominici è curru descendit ædstantibus Eminentissimo Cardinali Ignatio Boncompagno Bononiensis Provinciæ Præside , & Eminentissimo Andrea Giovannetti Bononiensium Archiepiscopo , una cum ejusdem Civitatis Magistratibus , ac præcellentioribus nobilitate viris , quos omnes peramanter Sanctitas Sua excepit .

Ecclesiam ingressus ante Augustissimum Sacramentum fuis precibus , ad proximum Conventum ab Helveticæ Custodiæ Militibus stipatus accessit , ubi ad Cubicula opportune parata contendens , ibidem prædictos Eminentissimos singulariter admisit ; Inde Civitatis Consalonerium , aliosque Magistratus , Clerum , ac proceres ad pedis osculum excepit .

Die Sabbathi die 9. Martii hora 13. Sanctitas Sua in Ecclesiam descendit una cum Regio Hispaniarum Infante Ferdinando comitantibus prædictis S. R. E. Cardinalibus , quamplurimisque nobiliorum Ordinum Civibus , & ad Sacellum , in quo Sancti Dominici tam illustris in Ecclesia Ordinis Fundatoris sacre Exuvie coluntur , accessit , ibique Missæ adilitit , in summitate ejusdem Aræ venerationi exposita existente insigni Reliquia sacri Capitis ejusdem Sancti Dominici ; Qua expleta , Pontifex , associantibus supradictis ad Sacrarium perrexit , ut ibi desideria nobiliorum ordinum expleret , ad pedis osculum excipiendo nobilitate præcellentes Mulieres , Alumnos Collegii nobilium , quampluresque Religiosos viros .

Sum-

**Summus Pontifex** è Monasterio prædicto ad publicas ædes, in quibus Cardinalis Legatus, ac Consalonerius moram gerunt, accedens, a jam supra enunciatis Cardinalibus exceptus superiores hujusce magnæ ædis mansiones conscendens innumerum Populum in ampla illa Platea existentem, Apostolicam Benedictionem exoptantem, Paterne Benedixit; Ac inde inter confertissimam Populi multitudinem, Centum pervenit a sa. mem. Benedicto XIV. Sum. Pont. Civitatis titulo insignitam.

Aliquo temporis spatio in Palatio Eminentissimi Bononien-  
sum Archiepiscopi commoratus, ad Ecclesiam perrexit, ibique  
singulari animi sui devotione adorato Eucharistiæ Sacramento,  
Ferrariam versus iter prosequuturus discessit.

Ferrariam hora 22. perveniens ad Monasterium S. Domi-  
nici divertens, ante Ecclesiæ fores e curru descendit obviam,  
habens Eminentissimum Cardinalem Franciscum Carafa Fer-  
rariensis Provinciæ Præsidentem, & Alexandrum Matthæi ejus-  
dem Ecclesiæ Archiepiscopum, Clerum, Magistratum, nobi-  
lioresque ejusdem Civitatis proceres, qui omnes plurima hu-  
manitate a Summo Pontifice excepti fuere.

Ad Monasterium inde progressus, Cubicula pro Ipso pa-  
rata adiit, ibi moram in nocte persoluturus. Cum Eminentis-  
simo Cardinale Legato singulariter collocutus, Archiepiscopum  
Ferrariensem admisit.

Ad pedis inde osculum admissis Magistratu, Clero, ac Ci-  
vitatibus Proceribus, in interiora cubicula se recepit.

Dominica quarta quadragesimæ die decima Martii hora  
undecima cum dimidio Sanctitas Sua in privato Sacello Missæ  
adstitit, & hora duodecima Ferrariam relinquens, a Cardina-  
le Legato sociatus ad Pontem nuncupatum lacus obscuri ad ri-  
pam Padi cum suo comitatu processit. Ibi navigium conscendit,  
quamplures sui comitatus benignè in eodem admittens, reliquis  
aliis navigia alia ibidem ad hunc finem parata conscendentibus.  
Cum autem tunc temporis advenisset Comes Bianchi nobilis  
aulicus Serenissimi Sardinie Regis, ut ejusdem nomine fausta  
Sanctitati Sux auspicaretur, eidem Sanctitas Sua, quam gra-  
tum hujusmodi humanissimum officium foret, declarans, in-  
junxit, ut Majestati Sux maximas gratias persolveret.

Horæ 14. Naves a Padi ripa solutæ, iter versus Claudiensem Civitatem susceperunt.

Spectaculum vero mirabile insipientium oculis continub offerabatur, vastissimas illius perampli fluminis ripas undique Populo oppletas inspicere Pontificiam Benedictionem implorante, quam Sanctitas Sux iisdem benignè elargiebatur.

Per Padum flumen progrediens Pontifex prope Corbolam obvium habuit Arnaldum Speroni Adriensem Episcopum, qui Summo Pontifici religiosum suum exhibuit obsequium singularibus amoris signis exceptus.

Progresso usque ad locum dictum le Cavanelle Joannes Benedictus Ciuran Episcopus Claudiensis, ac non multo post Nob. Vir. Bartholomeus Gradenigo, qui gubernio Claudiensis Civitatis præest, ut Pontifici Summo obsequium præstare possent advenere; qui singulari benevolentia excepti fuerunt. Parique modo admissus fuit Vincentius Ranuzzi Archiepiscopus Tyrensis Sedis Apostolicæ Nuncius apud Rempublicam Venetiarum, nunc delectus Apostolicus Nuncius apud Aulam Ulfisiponensem, qui non multo post Pontificiam Navem assequutus fuit.

Horæ circiter 24. Claudiensem Civitatem attingens, ad ripam ante Palatium Nob. Viri Bartholomei Grassi, ubi in nocte Summus Pontifex commoraturus erat, appellens ibidem è Navi in terram un lique pannis rubris obductam descendens, obviam habuit quamplures Episcopos, præstantiores illius antiquæ Civitatis personas, plurimosque alios, qui illuc ex aliis Civitatibus advenerant.

Palatium conscendens nobiliori, maximoque sumptu ornatum, Equitem Petrum Aloysium Contarenum, & Ludovicum Maninium, ambos S. Marci præfulgenti Procuratoria dignitate insignitos, & a Serenissima Republica ad obsequia Sanctitati Sux per integram ejusdem Reipublicæ ditionem præstanda usque ad Austriaci status confinia delectos, summa humanitate primos omnium admisit, iisque gratos animi sui sensus aperiens singulari benignitate exceptit.

Admisso inde Bartholomeo Gradenigo Claudiensis urbis gubernio Præposito, singillatim etiam exceptit Archiepiscopum Ty-

Tyrensem Apostolicum Nuncium; Nicolaum Giustiniani Episcopum Patavinum; Joannem Benedictum Ciuram Episcopum Claudionsem; Joannem Nani Episcopum Brixientem; Andream Benedictum Ganassoni Episcopum Feltrinum; Franciscum Condulmerium Episcopum Famagustanum; Stephanum Dominicum Sceriman Episcopum Caprularum; Antonium Maria Gardini Electum Ecclesie Cremonensis; Joannem Badoerium Abbatem Asole Episcopum Cidonientem, ac etiam ad pedis osculum admissis quamplurimis præcellentibus nobilitate proceribus, aliisque Ecclesiasticis personis, quæ illuc ad præstandum Summo Pontifici obsequium convenerant, in interiora cubicula se recepit.

Fer. II. Die 11. Martii hora 13. in privato Sacello ibidem existente, summa elegantia ornato, Sacrificio Missæ additis, inde navem conscendit una cum præfatis duobus S. Marci Procuratoribus, & reliquo Comitatu, prout externa die; Additis tamen duabus Navibus elegantia summa, ac nobilitate constructis, & ornatis, quæ a supra jam recensitis Nobilibus viris S. Marci Procuratoribus paratæ fuere, ut Summus Pontifex iisdem uti posset.

Hora 14. a littore solvens, per Medoacum flumen, progressus ad locum le Gamberare nuncupatum obvium habuit Fredericum M. Joannelli Venetiarum Patriarcam.

Ad locum inde Fusinam dictum, ubi in Lacunam patet ingressus, Sanctitas Sua in primam a Procuratoribus nobiliter paratam Navem pertransiens, ibique una cum Apostolico Nuncio, Marcucci Patriarcha Constantinopolitano, Contessinio Archiepiscopo Athenarum, ac S. Marci Procuratoribus jam supra enunciatis, iter per præfatam Lacunam fuit prosequutus insequente alia pari modo nobiliter ornata Navi cum quibusdam aliis ex Pontificio Comitatu, in cæteris inde navibus subsequen-  
tibus reliquis omnibus, qui in Sanctitatis Sux famulatu erant.

Iter versus Mestram progrediens, appulit ad locum Malghera nuncupatum, ubi è Navi descendit, tum Mestram hora 24. cum integro suo Comitatu advenit, & ad nobile Palatium Procuratoris Erizzo è curru descendit a quamplurimis Episcopis, & ab innumera nobilium Venetorum Procerum multitudine exceptus.

In

In superiora Palatii Cubicula ascenso Pontifice, Marchionem Durazzo S. Cæsareæ Majestatis apud Rempublicam Venetam Oratorem, & inde Marchionem de Squillace Regis Catholici apud eandem Rempublicam pariter Oratorem ad peculiare colloquium admisit. Eodemque prorsus modo ac singillatim obsequia excepit Francisci Justiniani Episcopi Tarvisini, Pauli a Ponte Episcopi Torcellani, P. Quirini Abbatis S. Georgii Majoris Ordinis S. Benedicti, prætereaque una simul admisit Episcopos Patavinum, Brixensem, Claudiensem, Feltriensem, Famaugustanum, Caprularum, & Electum Ecclesiæ Cremonensis, qui omnes, licet in Claudienſi Civitate obsequium Summo Pontifici exhibuerint, attamen huc etiam convenerant, ut sinceram erga eundem ipsorum devotionem, omni, quo possent, modo comprobarent.

Proceribus Venetis, nobilibusque mulieribus, qui magno numero illuc accesserant, pariter omni humanitate exceptis, tandem in interiora Cubicula se recepit.

Fer. III. Die 12. Martii in Sacello ejusdem Palatii Missa, de more celebrata fuit, & hora 15. inter innumeram cujuscunque ordinis populi multitudinem iter Tarvisium versus arripuit, equestribus Militibus præcurrentibus, aliisque currum Sanctitatis suæ subsequenter.

Ad Ecclesiæ Cathedralis Tarvisiensis fores, gradum sistens, a Paulo Francisco Justiniano Tarvisino Episcopo, Nob. Viro Marco Zen Civitatis Præsidente, Clero, quamplurimisque nobilibus exceptus, & Ecclesiam ingressus, Sanctissimum Eucharistiæ Sacramentum publicæ adorationi expositum, veneratus fuit, inde iter proseguutus Sacile versus, ubi in Domo Ludovici Flangini S. Romanæ Rotæ Auditoris noctem transigere decreverat.

Hora 22. Sanctitas Sua illuc pervenit, ac in præfato Palatio a Marco Zagurri Episcopo Genetenſi, a nobili viro Nicolao Pizzamanno ejusdem loci Præsidente, ab Equite Andrea Renier Serenissimi Venetiarum Ducis filio, aliisque permultis nobilibus, exceptus fuit.

Fer. IV. Die 13. Martii hora circiter 15. Utinum versus, Reipublicæ Venetæ Civitatem florentissimam, contendit.

Hora

**Hora 21.** circiter Utinum attingit , & ad Palatium Comitum Antonini , inter confertissimum populum contendens , ibidem a Hieronymo Gradenigo Utinensi Archiepiscopo , Bonifacio a Ponte Episcopo Justinopolitano , Nob. viro Joanne Barbaro Utinensi Civitati Præposito , Clero , aliisque nobilibus Proceribus exceptus fuit .

Superiora Palatii Cubicula conscendit , ac Utinensem Archiepiscopum , Episcopum Justinopolitanum , & Civitatis Præsidem ad singularia colloquia excepit , plurimosque alios tam Cleri Utinensis , quam Civitatis procerum ad pedis osculum adnisi .

Quoniam vero Serenissimæ Venetæ Reipublicæ Dominiæ confinia proxima erant , Sanctitas Sua , ut peculiarem suam benevolentiam , gratumque animum exhiberet erga sæpe jam laudatos Nob. Viros Equitem Contarenum , & Ludovicum Maninium S Marci Procuratores , qui eundem in itinere summo studio , ac cura comitati fuerant , Contarenum pretiosa precaria corona donavit , Maninium autem adhuc Equestri Ordine non insignitum , hujusmodi honore decoravit .

**Fer. V. 14. Martii** Utinum relinquens Goritiam pervenit , ibi in nocte commoraturus in mansione , quæ jussu , ac munificentia Cæsareæ Majestatis , tam ibi , quam aliis etiam in locis , in quibus in nocte Sum. Pontifex Austriacas ditiones percurrere , immorari debebat , opportune , ac summo studio paratæ jam fuerant .

Obvium ibi habuit Josephum Garampi Archiepiscopum , Episcopum Montis Falisci Apostolicum apud Cæsarem Nuncium , Comitem de Cobentzl ab Imperatore delectum , ut Summum Pontificem in itinere comitaretur , Generalem Ethe-rasi , Ecclesiæ Metropolitanæ Clerum , quam pluresque alios Magnates .

Cohors militum , tam hic , quam etiam aliis in stationibus pro Sanctitate Sua designatis , æquino facto , id sacræ ejusdem Personæ custodia non aderat . Maxillimus Pater summa humanitate exceptis Apostolico Nuncio , Comite de Cobentzl , reliquisque omnibus , ad interiora cubicula se recepit .

**Fer. VI. 15. Martii** hora 12. ad Cathedralē Ecclesiā

ac-

accessit, ut Missæ Sacrificio adesset, inde Adelsbergium se contulit, ibique a Francisco Philippo Inzaghi Episcopo Tergestino, quamplurimisque aliis obsequiosè exceptus fuit.

Sabbato 16. Martii ab Adelsbergio Laubacum divertit ubi in Palatio Ordinis Theutonici illi admittere Vincentius de Scrottenbach Episcopus Lavanmundensis, & Carolus ab Herberstein Episcopus Laubacensis, multique alii proceres, qui a Summo Pontifice singulari benignitate excepti fuere.

Dominica 17. Martii Cillam contendit.

Fer. II. 18. Martii è Cilla Marpurghum accessit.

Fer. III. 19. Martii Græcium petiit, ubi a Josepho ab Arcò Episcopo Seccoviensi, a Comite Pozthazky Liechtenstein, Civitatis Præside, ab illustrioribus ejusdem Civitatis, roceribus, & a Prælato Monasterii S. Lamberti Ord. Cisterciensis, in ejusdem Monasterii Hospitio exceptus fuit.

Feria IV. 20. Martii hora 13. Sanctitas Sua ad Ecclesiam B. Mariæ Virginis de Succursu nuncupatam, Ordinis Minorum Conventualium accessit, ibique ab Episcopo Seccoviensi, prædictique instituti alumni, omni Ecclesiastico servato ritu exceptus, Missæ Sacrificio ad aram B. M. V. celebrato, adstitit; inde, ut communibus omnium desideriis morem gereret, Apostolicam Benedictionem elargitus, e Græcio Motenum in Styria perrexit.

Fer. V. 21. Martii Stupachum digressus fuit.

Fer. VI. 22. Martii è Stupacho Vindobonam feliciter pervenit.

Vindobonæ Summus Pontifex a die 22. Martii, usque ad 22. Mensis Aprilis diem in Imperiali Palatio commoratus fuit.

Summo Pontifice Vindobonæ consiliente, Cæsareæ Majestatis mandato statutum fuerat, ut Nobiles Excubiæ, dum domi morarentur, in ejusdem anteriori aula adessent, eodem servato ordine, prout in anteriori Imperiali aula, idemque ordo servaretur, dum eum per Urbem progredi contingeret.

Cum igitur Fer. II. majoris Hebdomadæ Feito Annunciationis Beatæ Mariæ Virginis dicata, ad Ecclesiam Ordinis Sancti Francisci Cappuccinorum, inibi Missæ Sacrificium celebraturus, pergere constituerit ex Imperiali Palatio illic divertens, aliquibus equitibus præcedentibus, Papalis Crux a suo delatore



re equitante delata Pontificis currum anteibat ; Summus Pontifex in nobili Curru sejugo , Francisco Marcucci Patriarcha Constantinopolitano , & Josepho Maria Contessinio Archiepiscopo Athenarum ipsum inservientibus , Crucem sequebatur . Currum custodiebant duæ nobiles excubiæ Ungariæ , duæque Gallicianæ patrio more indutæ ; Duo alii Currus similiter sejugi Pontificem comitabantur , in quorum primo cum præsulibus Sanctitatis Sux famulitio addictis locum occupabat Nobilis Aulicus Imperialis Aulæ , qui unaquaque die a Majestate Sua delectus fuerat , ut in intimo Cubiculo apud Pontificem adesset , eodem fermè pacto , ac ordine , ut in Imperatoris aula servari solet . In tertio tandem curru , reliqui Pontificis familiares veniebant .

Hac narrata methodo Summus Pontifex semper per Urbem prodiit , nisi cum una Cæsar ipse prodiret . Præterea a superius descripto ordine aliis vicibus in hoc tantummodo recedebatur quod Pontifex loco Patriarchæ Constantinopolitani , & Archiepiscopi Athenarum , duos ex Episcopis , qui ex Bohemiæ , & Ungariæ Regnis , Moravia , aliisque Austriacis ditioribus Viennam advenerant , Episcopalis Consecrationis prioritatis ordine servato , secum in curru deducebat .

Fer. V. in Cœna Domini die 28. Martii , Sacro in Imperiali Sacello S. Josephi celebrato , sacraque Eucharistia refectis Cæsarea Josephi II. Majestate , & Regio ejusdem Fratris Archiduce Maximiliano Magno Ordinis Theutonicæ Magistro ; Missæ solemnæ a Reverendissimo Josepho Garampi Apostolico apud Cæsarem Nuncio in templo Aulico fratrum excalceatorum Ordinis S. Augustini celebratæ adstitit e Choro . Inde ad Ecclesiam descendit & sacris vestibus exornatus , Sanctissimum Eucharistiæ Sacramentum ad Sacellum , in quo pro subsequentis diei sacra functione custodiendum erat , cum solemnæ supplicatione detulit , ibique de more reposuit ; Assistentibus Sanctitati Sux EE. Cardinalibus Batthyani , & Herzan , ac insuper etiam adfociante Eminentissimo Migazzi , Cardinalitiis Cappis indutis .

In aula inde Imperialis Palatii pedes duodecim pauperibus senibus juxta Ecclesiæ ritum lavit , Cæsarea Majestate adstante , iisdemque in altera magna aula cibos ad Mensam præbuit .

Fer. VI. in Parasceve 29. Martii hora tertia post meridiem , universis aulæ Imperialis proceribus Sanctitatem Suam ,

præcedentibus , Regio Principe Maximiliano Archiduce Austriæ comitante , una cum Eminentissimis Christophoro de Migazzi Archiepiscopo Viennensi , ac Josepho a Batthyani Archiepiscopo Strigoniensi Ungariæ Primæ , subsequentibus inde aliis Episcopis , qui Vindobonam advenerant , a nobilibus Excubiis Alemannica , Ungarica , ac Galliciana stipatus , ad venerandam , juxta Germaniæ morem , sacram Eucharistiam , in sepulturæ Domini Nostri Jesu Christi mysterium , ac memoriam fidelium devotioni , & pietati expositam accessit , ac quinque in Ecclesiis pium hunc pietatis , ac Religionis actum summa innumeri inspectantis populi veneratione fuit exequutus .

Dominica 31. Martii Solemnitate Paschali Resurrectionis Domini Nostri Jesu Christi recurrente hora 14. italica prænobili Sejugo Curru deductus , ibidemque ab Emis Cardinalibus Migazzi , & Batthyani comitatus , nobilibus excubiis currum insequentibus , ad Metropolitanum S. Stephani Vindobonense templum Sanctitas Sua accessit , ubi Sacram Liturgiam solemniter , consuetis Cæremoniis servatis , perfecit . Cardinalibus Josepho Batthyani , & Francisco Herzan Diaconorum assistentium , ac Cardinali Christophoro de Migazzi Episcopi pariter assistentis , munus explentibus ; præsentibus etiam pluribus Episcopis , ac multis Monasteriorum Prælatiis Pluviali , ac Mitra decoratis . Ut autem in hac sacra solemniter functione nihil omnino deesset ad splendorem , ac reverentiam inspicientium animis conciliandam , Cæsareæ Majestati maxime cordi fuit , curavitque insuper , & duos prænobiles viros delegit , Schwarzenbergium , ac Averspergium , ambo Sacri Romani Imperii Principes , ut ministerium pro manuum lotionem Summi Pontificis in sacra functione exquererentur .

Splendidior certe , ac æterna memoria digna sacra hæc solemniter actio extitisset , si Sacra Cæsarea Majestas , prout vehementer optabat , præsens in parato Solio adfuisset , quod summo ejusdem animi dolore corporis infirmitate detentus exequi non valuit .

Expleto Solemni Sacro ad Palatium tabularii Bellici processit , ibique Pluviali , ac Pontificia thiara ornatus , ad podium supra Ecclesiam novem Angelorum choris dicatam , exiens , nobiliori forma , aulæisque auro circumfusus , ac splendens

dentibus, undique ornatum, accessit, ibique confertissimo, ac pænè innumero populo Pontificalem Benedictionem, consuetis fufis precibus, cum Plenaria Indulgentia fuit elargitus, obfrepentibus iuterim tormentis bellicis Vindobonensis arcis, ac festivo fonitu personantibus Ecclesiarum ejusdem Urbis Campanis.

Fer. VI. 19. Aprilis Consistorium publicum in magna Aula Palatii Imperialis habuit, in quo Pileum Cardinalitium tradidit EE. Cardinalibus Leopoldo de Firmian, ac Josepho a Batthiani, Ecclesia S. Petri in Monte Aureo, eorum primo, ac S. Bartholomæi in Insula, secundo ex ipsis in titulum assignata.

Fer. II. 22. Aprilis Vindobonam relinquens, Medelcium se contulit, quo Cardinalis Migazzius venerat, ut eum exciperet.

Fer. III. 23. Aprilis Medelcio discedens, postquam Missæ a Cardinali celebratæ assistisset, Ensim venit, & ad S. Floriani Monasterium digressus fuit, ibique exceptus a Cardinali de Firmian; quo adhuc præcurrente Lentium venit Principem superioris Austriæ Urbem; ubi e Podio magnifice instructo Benedictionem elargitus est immenso Populo in subjecta magna Platea congregato Militum agmine circumfusa.

Fer. IV. 24. Aprilis Aurinianum attingit.

Fer. V. 25. Aprilis Auriniano relicto AltOettinghium accessit, ubi a Hieronymo Colloredo Archiepiscopo Salisburgensis, a Principe de Bienkerfeld Serenissimi Electoris Palatini Nepote, plurimisque aliis nobilibus proceribus, qui illuc ejusdem Serenissimi Electoris jussu, ut Summo Pontifici obsequium præstarent, advenerant, exceptus fuit.

Fer. VI. 26. Aprilis Monachium pervenit.

Monachii a die 27. Aprilis, usque ad integram diem primam Mensis Maii commoratus fuit.

Dominica 28. Aprilis Missæ Sacrificium confecit in Ecclesia Clericorum Regularium Theatinorum ejusdem Civitatis, præsentibus Serenissimis Electoribus Trevirensi, ac Palatino. Circa duodecimam vero diei horam more germanico in prænobili curru ab octo equis tracto una cum laudatis Serenissimis Electoribus Trevirensi, ac Palatino, præcedente Equitum cohorte, nobilibus aulicis splendidissimis indutis vestibus ante prædictum currum gradientibus, ejusdem Electoralis aulæ Administris prope currum exstantibus, Ephebis, ac Helveticæ

custodiæ militibus currum undique stipantibus , agmen claudente alia equitum cohorte , ad amplum Civitatis Monacensis forum accessit , ubi per amplum podium ibidem constructum summaque magnificentia exornatum conscendens , benedictionem Apostolicam confertissimo populo ibi consistenti , fuit elargitus.

Fer. II. die 29. Aprilis Sacrificium Missæ Deo obtulit in primaria ejusdem Civitatis Ecclesia Collegiata S. Mariæ Virginis dicata , adstantibus pariter præfatis Serenissimis Electoribus .

Fer. III. die 1. Maii Sacram Liturgiam Sanctitas Sua explevit in interiori Electoralis Palatii Sacello , mole quidem non amplo , mirabili tamen magnificentia extructo , singularibus , pretiosisque ornamentis undique præfulgenti .

Fer. V. 2. Maii Monachio discessit , Augustanque Vindelicorum digressus obviam prodeunte Serenissimo Electore Trevirensi Episcopo Augustano , & ab universo ejusdem Civitatis utroque Clero exceptus , ac ad Cathedralem Ecclesiam longo itinere deductus , expletis ibidem sacris ritibus a Romano Pontificali præscriptis , ad Episcopale Palatium accessit , ubi per integram diem quintam ejusdem Mensis constitit . \*

Fer. VI. 3. Maii incruentum Missæ Sacrificium in Cathedrali Ecclesia Augustana perfecit Serenissimo Electore Trevirensi assistente .

Sabbato die 4. Maii ad Ecclesiam insignis Monasterii Sancti Udalrici una cum Serenissimo præfato Electore accedens ; ibi immaculatam hostiam Deo obtulit .

Dominica die 5. Maii , confecto Missæ Sacrificio in Palatii Episcopalis Sacello , Summus Pontifex ad Cathedralem Ecclesiam progressus , ibidem solemni Missæ a Serenissimo Electore , Augustano Episcopo , Pontificali ritu celebrate , Pluviali , ac Mitra ornatus in Solio consistens adstitit , assistente Maximiliano Christophoro de Rodt Episcopo Constantiensi , universoque ejusdem Cathedralis Ecclesiæ Augustanæ Clero ; Elargita inde innumero populo in platea ante Episcopale Palatium consistenti , consueto sacro ritu , præcibusque effusis , Pontificali benedictione , cum Plenaria Indulgentia .

Fer. II.

\* Quæ Augustæ gesta sunt , fusius continentur in descriptione Germanica , impressa Augustæ Vindelicorum Typis Johann. Michaelis Spæth , & Italice traducta a Canonico Simone Daser Augustano .

Fer. II. die 6. Maii Augusta Vindellicorum discedens ab equitum Cohorte tam Serenissimi Episcopi quam Civitatis deductus; Abudiacum concessit.

Fer. III. die 7. Maii Abudiaco Oenipontem processit, hospitatus ibi in Imperiali Palatio.

Fer. IV. die 8. Maii ab Oeniponte Brixinium petiit à Josepho a Spaur Episcopo exceptus.

Fer. V. die 9. Maii Ascensioni D. N. J. Christi Sacra Missæ Sacrificio confecto in Cathedrali Ecclesia Brixiniensi adstante Episcopo & Clero, Brixinio Bocenum se conferens, Tridenti aliquantisper commoratus, apud Episcopum, mox Cathedralē Ecclesiam, ac aliam S. Mariæ ob Concilium Generale Tridentinum ibi habitum, percelebrem, invisit.

Fer. VI. die 10. Maii Roboretum digressus fuit.

Sabbato die 11. Maii Veronam accessit, ubi inter quamplures alios obviam habuit Nob. Virum Abundium Rezzonico Alniæ Urbis Senatorem san. mem. Clementis PP. XIII. ex Germano fratre Nepotem, qui summis benevolentiae signis a Sanctitate Sua exceptus, eundem inde in itinere usque Forocornelium prosequutus fuit.

Dominica die 12. Maii Veronæ moram gessit, ac in Cathedrali Ecclesia Sacrum confecit; ibique supra Sepulcrum cl. mem. Card. Petri Pamphili, qui in dicta Civitate 4. Decembris die anni 1780. obierat, preces fudit.

Fer. II. die 13. Maii Verona Patavium divertit, ac ad percelebre Monasterium S. Justinæ Ord. S. Benedicti progrediens, ibi constitit, a Nobili Viro Equite Aloysio Mocenigo prædefuncti Serenissimi Venetiarum Ducis filio, Civitatis Patavinæ Præside exceptus, qui curam omnem adhibuerat, nilque intentatum reliquerat, ut Summi Pontificis adventus omnibus significationis, ac publicæ lætitiæ signis ab universis Civitatis Ordinibus, celebraretur.

Fer. III. die 14. Maii Patavii moram gessit, ac in Templo S. Antonio Patavino Sacro, Missam celebravit.

Fer. IV. die 15. Maii Patavio relicto, Venetias appulit a Serenissimo Venetiarum Duce, ac Venetis proceribus solemnè pompa obviam prodeuntibus ad S. Georgum in Aliga.

Venetis commoratus fuit a die 16. Maii, usque ad diem.

19. Solemnissimo Pentecostes festo Sacram , in qua Sacrificio Missæ in Ecclesia SS. Joannis , & Pauli Ordinis S. Dominici confecto , inde una cum viginti quatuor Episcopis , ac duobus S. R. E. Cardinalibus Cornelio , ac Boncompagno Sanctitati Suae assistentiam præbentibus , in eadem Ecclesia in parato Solio consistens , Pluviali , ac Mitra ornatus , solemnè Missæ Friderico Joannelli Venetiarum Patriarcha , pontificaliter celebratæ , adstitit ; Assistentibus etiam solemnè pompa Serenissimo Venetiarum Duce Paulo Reinerio , pluribusque Reipublicæ proceribus . Expleta Missa , extra Ecclesiam , universis , qui Missæ adstiterant , comitantibus , procedens , contignationem , summo studio , ac mirabili artificio in Ecclesiæ prædictæ foro extructam , singulari , ac exquisitiori modo ornata , conscendit , ibique Apostolicam benedictionem Pontificali servato ritu , immenso populo ibi existenti , cum Plenariæ indulgentiæ concessione , fuit elargitus .

Eadem Dominica die 19. Maii hora 20. Venetiis abiens , Patavium iterum repetiit .

Fer. II. die 20. Maii Patavio Ferrariam digressus fuit , ibique obviam habuit cum Eminentissimo Cardinali Carafa Provinciæ præside , Eminentissimum Cardinalem Carolum Victorium Amedeum a Lanceis , qui Taurino Ferrariam advenerat , ut Summo Pontifici obsequium præstaret .

Fer. III. die 21. Maii Ferrariæ moram gessit , ac Missæ Sacrificium in Ecclesia S. Dominici celebravit .

Fer. IV. die 22. Maii in Sacrario Ecclesiæ Metropolitanæ Ferrariensis Consistorium secretum habuit præsentibus Eminentissimis Cardinalibus a Lanceis , Caraffa , & Boncompagno , in quo Alexandrum Matthæi Archiepiscopum Ferrariensem Cardinalem declaravit , creatum jam , & in pectore reservatum die 12. Julii anni 1779. ; Inde Missæ adstitit , & in Sacrum iterum reversus , Cardinalitio birreto novum Cardinalem decoravit .

Ferraria , his absolutis , discedens Bononiam petiit , ubi Cardinalium a Lanceis , Caraffæ , Durini è Mediolano huc advenientis , Giovannetti , & Boncompagni obsequia excepit , ibique per duos integros dies commoratus fuit .

Fer. V. die 23. Maii Sacrum celebravit in Ecclesia Metropolitana Bononiensi .

Fer. VI.

Fer. VI. die 24. Maii ad templum accedens , in quo insignis B. M. V. imago a S. Luca , ut traditur , depicta , maxima populi illuc continuo confluentis veneratione adfervatur , ac colitur , ibi Sacrum peregit .

Sabbato die 25. Maii Bononiam relinquens Forocorneli-um perrexit .

Dominica die 26. Maii incruentum Missæ Sacrificium in Cathedrali Ecclesia Forocorneliensi perfecit , & aureum Calicem obtulit S. Petro Chrysologo .

Fer. II. die 27. Maii in Aula majori Episcopalis Palatii Sanctitas Sua Consistorium publicum habuit , præsentibus Eminentissimis Cardinalibus a Lanceis , Caraffa , Bandi , Valenti Gonzaga , Giovannetto , & Boncompagno , Pileoque Cardinalitio præfatum Eminentissimum Alexandrum Matthæi , de more ornavit , Ecclesiamque S. Balbinæ in Titulum ipsi assignavit .

Fer. III. die 28. Maii Ecclesiam Cathedralem Forocorneliensem maximo sumptu a fundamentis nobiliter extructam cura Eminentissimi Jo. Caroli Bandi Forocorneliensis Episcopi , & Sanctitatis Sux Avunculi , solemni ritu in honorem Sancti Cassiani Episcopi , & Martiris , Deo dicavit , coadjuvantibus Eminentissimis Giovannetti Archiepiscopo Bononiensi , & Matthæi Archiepiscopo Ferrariensi , ac expleta Sacra solemni actione , disertissimam habuit ad populum Homiliam .

Fer. IV. die 29. Maii Forocornelio discedens , Cæsenam processit , ubi per quatuor dies moram gessit .

Fer. V. die 30. Maii recurrente solemnitate Sanctissimi Corporis Christi , solemnem supplicationem cum Sanctissimo Eucharistiæ Sacramento peregit a Porticu publici Palatii , ubi magnificum extructum erat Altare ad Cathedralem Ecclesiam , præeuntibus Confraternitatibus , & universo utroque ejusdem urbis Clero , & duodecim Episcopis , quatuorque Abbatibus Regularibus Pluviali , ac Mitra ornatis supplicationem comitantibus .

Sabbato die 1. Junii Missæ Sacrificium confecit in Ecclesia S. Mariæ de Monte Ordinis Cassinensis , ibique contulit Sacramentum Confirmationis Angelo Bandi , & Elisabethæ ejus Sorori , Sanctitatis Sux ex germana Sorore Pronepotibus .

Dominica die 2. Junii Ecclesiam Ord. Servor. B.M.V. in ampliorem formam auctam , nobilisque ornatam , solemni pom-

pa, ac consueto more dedicavit, condjuvantibus Episcopis, Francisco Maria Lucatelli Spoletano, & Iosepho Maria Terzi Fere-  
trano, ac peracta Consecratione Homiliam habuit ad populum.

Fer. II. die 3. Junii humillimis omnium Ordinum ejusdem Civitatis precibus benigne annuens, ad Cathedralem Eccle-  
siam accessit, ibique sacris Pontificalibus ornamentis indutus,  
solemni ritu, ac pompa consuetis precibus aureas Coronas be-  
nedixit, iisdemque Summus Pontifex, pervetustam, ac miracu-  
lis insignem imaginem D. Nostri Jesu Christi, ac Bñæ ejusdem  
Matris semper Virginis Mariæ, suis ipsemet manibus ornavit.

Eadem die hora 20. Cæsena relicta, Ariminum venit.

Fer. III. die 4. Junii Senogalliam petiit.

Fer. IV. die 5. Junii Senogalliæ commoratus fuit.

Fer. V. die 6. Junii Senogallia Anconam accessit.

Fer. VI. die 7. Junii Anconæ constitit, ac in Ecclesia Ca-  
thedrali Sacrificium Missæ Deo obtulit.

Sabbato die 8. Junii Lauretum perrexit.

Dominica die 9. Junii peracto in Sacra Lauretana æde Missæ  
Sacrificio, Tolentinum advenit.

Fer. II. die 10. Junii Tolentino, Fulginium attigit.

Fer. III. die 11. Junii Narniam pervenit.

Fer. IV. die 12. Junii Narnia, Civitatem Castellanam divertit.

Fer. V. die 13. Junii è Civitate Castellana Romam feliciter  
adveniens exceptus ad Pontem Milvium ab Eminentissimo  
Card. Jo. Francisco Albano Sacri Collegii Decano, & ab Emi-  
nentissimo Card. Leonardo Antonelli primo a Sanctitate Sua in  
Collegium adlecto unacum iis ad Vaticanam processit Basili-  
cam, ubi obviam habuit Celsissimum, & Eminentissimum,  
Dominum Cardinalem Henricum Ducem Eboracensem Archi-  
presbyterum, & Capitulum, ibique ad Altare SS. Sacramen-  
ti, & ad Confessionem S. Petri Apostoli fuis precibus, ad Pa-  
latium Vaticanum regressus fuit, occurrentibus in Aula Ducali  
Emis DD. Card. Carolo Rezzonico S. R. E. Camerario, Co-  
lumna Urbis Vicario, Boschi Majore Pœnitentiario, Gerdilio;  
& Matthæo, iisque dimissis ad domestica Cubicula accessit,  
excipientibus Sanctitatem Suam in Aula Secretiori Emis Card.  
Pallavicino a Secretis Status, De Comitibus a Secretis Bre-  
vium, Nigrono Pro-Datario, & Jo. Baptista Rezzonico a Sup-  
plicibus Libellis.